


劉  
隨  
州  
集





劉 隨 州 集

劉 長 卿 著

本館據畿輔叢書  
本排印初編各叢  
書僅有此本

# 劉隨州集目錄

## 第一卷詩

逢雪宿芙蓉山主人

送張起崔載華之閩中

贈秦系徵君

秦系頃以家事獲謗因出舊山每荷觀察崔公見知欲歸未遂感其流寓詩以贈之

夜中對雪贈秦系時秦初與謝氏離婚謝氏在越 湘妃

斑竹

春草宮懷古

正朝覽鏡作

瓜州道中送李端公南渡後歸揚州道中寄

送張十八歸桐廬

過白鶴觀尋岑秀才不遇

聽彈琴

遊南園偶見在陰牆下葵因以成詠

入百丈澗見桃花晚開

送子壻崔真甫李穆往揚州四首

寄龍山道士許法稜

送方外上人

送靈澈上人

茱萸灣北答崔載華問

赴楚州次自田途中阻淺問張南史

江中對月

碧澗別墅喜皇甫侍御相訪

初到碧澗招明契上人

送少微上人遊天台

卻歸睦州至七里灘下作

對酒寄嚴維附嚴維作

新年作

朱放自杭州與故里相使君立碑回因以奉簡吏部楊侍郎製文

送宣尊師醮畢歸越

送裴使君赴荆南充行軍司馬

送裴郎中貶吉州

酬皇甫侍御見寄時前相國姑臧公初臨郡

月下呈章秀才八元

酬張夏

送李使君貶連州

秋夜北山精舍觀體如師梵

酬張夏雪夜赴州訪別途中苦寒作

尋洪尊師不遇

喜鮑禪師自龍山至

送方外上人之常州依蕭使君

宿北山禪寺蘭若

赴新安別梁侍郎

江州留別薛六柳八二員外

和州留別穆郎中

和州送人歸復鄧

送金昌宗歸錢塘

酬張夏別後道中見寄

偶然作

新安奉送穆諡德歸朝賦

得行字

送州人一作睦州孫沅自本州卻歸句章新營所居

送李員外使還蘇州兼呈前袁州李使君賦得長字袁州即員外之從兄

酬李員外從崔錄事載華宿三河戍先見寄

見秦系離婚後出山居作

酬秦系

歲日作

題元錄事開元所居

送崔載華張起之闔中

送張司直赴嶺南謁張尚書

寄會稽公徐侍郎

公時在王傅

送朱山人放越州賊退後歸山陰別業

秋夜肅公房喜普門上人自陽羨山至

送李祕書卻赴南中

此公舉家先流嶺外兄弟數人俱沒南中

過前安宜張明府郊居

使迴次楊柳過元八所居

送李侍御貶郴州

寄普門上人

逢郴州使因寄鄭協律

岳陽館中望洞庭湖

巡去岳陽卻歸鄂州使院留別鄭洵侍御侍御先曾謫居此州

夏口送屈突司直使湖南

第二卷詩

雨中過員稷巴陵山居贈別

奉使至申州傷經陷沒

安州道中經澧水有懷

贈別盧司直之閩中

赴巴南書情寄故人一作南巴

登思禪寺上方題修竹茂松

北歸次秋浦界清溪館

重推後卻赴嶺外待進止寄元侍郎

送鄭司直歸上都

卻赴南邑留別蘇臺知己

送李摯赴延陵令

長沙桓王墓下別李紓張南史

秋日登吳公臺上寺遠眺寺卽陳將吳明徹戰場

一地

送李中丞之襄州一作送李中丞歸漢陽李

一作季一無之襄州三字

穆陵關北逢人歸漁陽

步登夏口古城作

酬郭一作張夏一作夏人日長沙感懷見贈

餘于旅舍

恩敕重推使牒追赴蘇州次前溪館作

謫官後卻歸故村將過虎邱悵然有作

秋杪江亭有作一作秋杪

千越亭

送靈澈上人歸嵩陽蘭若一作

和靈一上人新泉

奉送裴員外赴上都

送侯一作侍御赴黔中充判官

淮上送梁二恩命追赴上都

過李將軍南鄭林園觀妓

送王端公入奏上都

送李校書赴東浙幕府

校書工於翰墨

陪王明府泛舟

送度支留劉一作劉後若侍御之歙州便赴信州省覲

晚次苦竹館卻憶干越舊遊

送盧判官南湖

集梁耿開元寺所居院

遊休禪師雙峯寺

奉送盧員外之饒州

移使鄂州次峴陽館懷舊居

重陽日鄂城樓送屈突司直

經漂母墓

送崔昇歸上都

送嚴侍御充東畿觀察判官

送營田判官鄭侍御赴上都

清明後登城眺望

餘干夜宴奉餞前蘇州韋使君新除婺州作

送李二十四移家之江州

送張栩扶侍之睦州

此公舊任建德令

贈西鄰盧少府

廡中見桃花南枝已開北枝未發因寄杜副端

送處士歸州因寄林山人

送齊郎中赴海州

更被奏留淮南送從弟罷使江東

送李端公赴東都



送王員外歸朝

送蔣侍御入秦

洞庭驛逢郴州使還寄李湯司馬

送舍弟之鄱陽居

送裴二十端公使嶺南

過桃花夫人廟

即息夫人

鄂渚送池州程使君

送友人西上

送梁郎中赴吉州

過湖南羊一作來處士別業

送河南元判官赴河南句當苗稅充百官俸錢

夏中崔中丞宅見海紅搖落一花獨開

使還至一作自菱陂一作波驛渡澗水作

送齊郎中典括州

過隱空和尚故居

過蕭尚書故居見李花感而成詠

送袁處士

酬李侍御登岳陽見寄

第三卷詩

夏口送徐郎中歸朝

鄂渚聽杜別駕彈胡琴

過鸚鵡洲王處士別業

寄萬州崔使君令欽

送馬秀才移家京洛便赴舉

送南特進赴歸行營

送道標上人歸南岳

送梁侍御巡一作赴永州

歲夜喜魏萬成郭夏一作廩雪中相尋

晦日陪辛大夫宴南亭

長沙館中與郭夏一作廩對雨

題魏萬成江亭

送韋贊善使嶺南

送李補闕之上都

海鹽官舍早春

曲阿對月別岑況徐說

送路少府使東京使應制舉

時梁宋初失守一題制作送駱三少府西山應制

松江獨宿

送行軍張司馬罷使迴

一作送張屢司直歸越中

罪所留繫寄張十四

長門怨

送李校書適越謁杜中丞

送蔡侍御赴上都

送獨孤判官赴嶺

陪辛大夫西亭宴觀妓

春過裴虬郊園時裴不在因以寄之

送喬判官赴福州

送袁明府之任

南湖送徐二十七西上

送李侍御貶鄱陽

此公近由此州使迴

尋白石山真禪師舊草堂

喜李翰自越至

送勤照和尚往睢陽赴太守請

過橫山願山人草堂

秋夜雨中諸公過靈光寺所居

西庭夜燕喜評事兄拜會

尋南溪常山道人隱居一作尋常山南溪道士隱居

揚州雨中張十宅觀妓一作張謂詩

赴宣州使院夜宴寂上人房留辭前蘇州韋使君

送薛承矩秩滿北遊

餞別王十一南遊

送嚴維尉諸暨嚴即越州人附嚴維作

送李七之祚水謁張相公

送崔處士先適越

奉陪使君西庭送淮西魏判官得山字

獄中見壁畫佛

送許拾遺還京

送張七判官還京觀省大夫之子時初

送孫瑩京監權第歸蜀觀省

送史九赴任甯陵兼呈單父史八時監察五兄初入臺

臥病喜田九見寄一作過

重過宣峯寺山房寄靈一上人

雲門寺訪靈一上人

送陸羽之茅山寄李延陵

寄靈一上人初還雲門一作皇甫曾詩

寄靈一上人一作皇甫冉詩

送韓司直

酬李郎中夜登蘇一作州城樓見寄

送人遊越一作耶士元詩

贈普門上人

送康判官往新安一作皇甫冉詩

九日登李明府北樓

送友人南遊

送張判官罷使東歸

送青苗鄭判官歸江西

第四卷詩

過包尊師山院

少年行

赴江西湖上贈皇甫曾之宣州

湘中紀行十首

湘妃廟

洞山陽浮邱公舊隱處一作洞陽山

赤沙湖

花石潭

送顧長一本題下有往新安三字

同諸公登樓

送裴二十一

早春

故女道士婉儀太原郭氏挽歌詞二首

歸弋陽山居留別盧仰二侍御

斑竹巖

雲母溪

秋雲嶺

石圍峯一作石菌山

浮石瀨

雜詠八首上禮部李侍郎

幽琴

中二聯作聽琴絕句已見前卷

疲馬

古劍

白鷺

寄李侍御

過鄔三湖上書齋

龍門八詠

闕口

福公塔

石樓

水西渡

一作西渡水

月下聽砧

橫龍渡

晚桃

首二聯作入百丈間見桃花晚開絕句已見前卷

春鏡

舊井

寒缸

晚泊湘江懷故人

從軍六首

水東渡

遠公龕

下山

渡水

送邱爲赴上都一作送皇甫曾

# 劉隨州詩集卷一

唐 河間劉長卿著

逢雪宿芙蓉山主人

日暮蒼山遠，天寒白屋貧。  
柴門聞犬吠，風雪夜歸人。

送張起崔載華之閩中

朝無寒士達，家在舊山貧。  
相送天涯裏，憐君更遠人。

贈秦系徵君

羣公誰讓位，五柳獨知貧。  
惆悵青山路，煙霞老此人。

秦系頃以家事獲謗，因出舊山，每荷觀察崔公見知，欲歸未遂，感其流寓，詩以贈之。

初迷武陵路，復出孟嘗門。  
迴首江南岸，青山與舊恩。

夜中對雪贈秦系，時秦初與謝氏離婚，謝氏在越。

月明花滿地，君自憶山陰。  
誰遣因風起，紛紛亂此心。

湘妃

帝子不可見。秋風來暮思。嬋娟湘江月。千載空蛾眉。

斑竹

蒼梧千載後。斑竹對湘沅。欲識湘妃怨。枝枝滿淚痕。

春草宮懷古

君王不可見。芳草舊宮春。猶帶羅裙色。青青向楚人。

正朝覽鏡作

憔悴逢新歲。茅屏見舊春。朝來明鏡裏。不忍白頭人。

瓜州道中送李端公南渡後歸揚州道中寄

片帆何處去。匹馬獨歸遲。惆悵江南北。青山欲暮時。

送張十八歸桐廬

歸人乘野艇。帶月過江村。正落寒潮水。相隨夜到門。

過白鶴觀尋岑秀才不遇

不知方外客。何事鎖空房。應向桃源裏。教他喚阮郎。

聽彈琴

泠泠七絲一作弦上。靜聽松風寒。古調雖自愛。今人多不彈。

遊南園。偶見在陰牆下葵。因以成詠。

此地常無日。青青獨在陰。太陽偏不及。非是未傾心。

入百丈澗見桃花晚開

百丈深澗裏。過時花欲妍。應緣地勢下。遂使春風偏。

送子培崔真甫李穆往揚州四首

渡口發梅花。山中動泉脈。蕪城春草生。君作揚州客。  
半邏鶯滿樹。新年人獨還。落花逐流水。共到茱萸灣。  
雁還空渚在。人去落潮翻。臨水獨揮手。殘陽歸掩門。  
狎鳥攜稚子。釣魚終老身。殷勤囑歸客。莫話桃源人。

寄龍山道士許法稜

悠悠白雲裏。獨住青山客。林下晝焚香。桂花同寂寂。

送方外上人

孤雲將野鶴。豈向人間住。莫買沃洲山。時人已知處。



送靈澈上人

蒼蒼竹林寺。杳杳鐘聲晚。荷笠帶夕陽。青山獨歸遠。

茱萸灣北答崔載華問

荒涼野店絕。迢遞人煙遠。蒼蒼古木中。多是隋家苑。

赴楚州次自田途中阻淺問張南史

楚城今近遠。積霧塞塘暮。水淺舟且遲。淮潮至何處。

江中對月

空洲夕煙斂。望月秋江裏。歷歷沙上人。月中孤渡水。

碧澗別墅喜皇甫侍御相訪

荒村帶返照。落葉亂紛紛。古路無行客。寒山獨見君。野橋經雨斷。澗水向田分。不爲憐同病。何人到白雲。

初到碧澗招明契上人

漸老知身累。初寒曝背眠。白雲留永日。黃葉減餘年。猿護窗前樹。泉澆谷後一作田。沃洲能共隱。不用道

林錢。

送少微上人遊天台

石橋人不到。獨往更迢迢。乞食山家少。尋鐘野路遙。松門風自掃。瀑布雪難消。秋夜聞清梵。餘音逐海潮。

卻歸睦州至七里灘下作

南歸猶謫宦。獨上子陵灘。江樹臨洲晚。沙禽對水寒。山開斜照在。石淺亂流難。惆悵梅花發。年年此地看。

對酒寄嚴維

陋

一作

巷喜陽和。衰顏對酒歌。嬾從華髮亂。閑任白雲多。

郡簡容垂釣。家貧學弄梭。門前七里瀨。早晚子陵過。

附嚴維酬劉員外見寄

蘇耽佐郡時。近出白雲司。藥補清羸病。窗吟絕妙辭。柳塘春水漫。花塢夕陽遲。欲識懷君意。朝朝訪

楫師。

新年作

鄉心新歲切。天畔獨潸然。老至居人下。春歸在客先。嶺猿同旦暮。江柳共風煙。已似長沙傅。從今又幾年。

朱放自杭州與故里相使君立碑回。因以奉簡吏部楊侍郎製文。

片石羊公後。淒涼江水濱。好辭千古事。墮淚萬家人。鵬集占書久。鸞回刻篆新。不堪相顧恨。文字日生塵。

送宣尊師醮畢歸越

吹簫江上晚，惆悵別茅君。踏火能飛雪，登一作刀山一作入白雲。晨香長日在，夜磬滿山聞。揮手桐溪路，無情水亦分。

送裴使君赴荆南充行軍司馬

盛府南門寄，前程積水中。月明臨夏口，山晚望巴東。故節辭江郡，寒笳發渚宮。漢川風景好，遙羨一作逐羊公。

送裴郎中貶吉州

亂軍交白刃，一騎出黃塵。漢節同歸闕，江帆共逐臣。猿愁歧路晚，梅作異方春。知己鄴侯在，應憐脫粟人。

酬皇甫侍御見寄時前相國姑臧公初臨郡

離別江南北，汀洲葉再黃。路遙雲共水，砧迴月如霜。歲儉依仁政，年衰憶故鄉。佇看一作宣室召，漢法倚張綱。

月下呈章秀才八元

自古悲搖落，誰人奈此何。夜菴偏傍枕，寒鳥數移柯。向老三年謫，當秋百感多。一作無愁家貧惟好月，空媿子猷過。

酬張夏

幾歲依窮海。頽年惜故陰。劍寒空有氣。松老欲無心。翫雪勞相訪。看山正獨吟。孤舟且莫去。前路水雲深。

送李使君貶連州

獨過長沙去。誰堪此路愁。秋風散千騎。寒雨泊孤舟。賈誼辭明主。蕭何識故侯。漢廷當自召。湘水但空流。

秋夜北山精舍觀體如師梵

焚香奏仙唄。向夕遍空山。清切兼秋遠。威儀對月閑。靜分巖響答。散逐海潮還。幸得風吹去。隨人到世間。

酬張夏雪夜赴州訪別途中苦寒作

扁舟乘興客。不憚苦寒行。晚暮相依分。江潮欲別情。一作江湖別有情水聲冰下咽。砂路雪中平。舊劍鋒鉞盡。應嫌贈脫一作自輕。

尋洪尊師不遇

古木無人地。來尋羽客家。道書堆玉案。仙帔疊青霞。鶴老難知歲。梅寒未作花。山中不相見。何處化丹砂。

喜鮑禪師自龍山至

故居一作山何日下。春草欲芊芊。猶對山中月。誰聽石上泉。猿聲知後夜。花發見流年。杖錫閑來往。無心到處禪。

送方外上人之常州依蕭使君

宰臣思得度。鷗鳥戀爲羣。遠客迴飛錫。空山臥白雲。夕陽孤艇去。秋水兩溪分。歸共臨川史。同翻貝葉文。  
宿北山禪寺蘭若

上方鳴夕磬。林下一僧還。密行傳人少。禪心對虎閑。青松臨古路。白月滿寒山。舊識窗前桂。經霜更待一  
得攀。

赴新安別梁侍郎

新安君莫問。此路水雲深。江海無行迹。孤舟何處尋。青山空向淚。白月豈知心。縱有餘生在。終傷老病侵。  
江州留別薛六柳八二員外

江海相逢一作逢君少。東南別處長。獨行風嫋嫋。相去水茫茫。白首辭同舍。青山背故鄉。離心與潮信。每日到  
潯陽。

和州留別穆郎中

播遷悲遠道。搖落感衰容。今日猶多難。何年更此逢。世交黃葉散。鄉路白雲重。明發看煙樹。唯聞江北鐘。  
和州送人歸復郢

因家漢水曲。相送掩柴扉。故郢生秋草。寒江澹落暉。綠林行客少。赤壁住人稀。獨過潯陽去。潮歸人不歸。

送金昌宗歸錢塘

新家浙江上，獨泛落潮歸。秋水照華髮，涼風生褐衣。柴門嘶馬少，藜杖拜人稀。惟有陶潛柳，蕭條對掩扉。

酬張夏別後道中見寄

離羣方歲晏，謫宦在天涯。暮雪同行少，寒潮欲上遲。海鷗知吏傲，砂鶴一作沙鳥見人衰。只畏生秋一作憶春草，西歸亦未期。

新安奉送穆諡德歸朝賦得行

九重宣室召，萬里建溪行。事直皇天在，歸遲白髮生。用材身復起，覩聖眼猶明。離別寒江上，潺湲若有情。

偶然作

野寺長依止，田家或往還。老農開古地，夕鳥入寒山。書劍身同廢，煙霞吏共閑。豈能將白髮，扶杖出人間。

送州人

一作睦州孫沅自本州卻歸句章新營所居

故里歸成客，新家去未安。詩書滿蝸舍，征稅及漁竿。火種山田薄，星居海島寒。憐君不得已，步步別離難。

送李員外使還蘇州兼呈前袁州李使君賦得長字袁州即員外之從兄

別離共成怨，一作誠衰老更難忘。夜月留同舍，秋風在遠鄉。朱弦徐向燭，白髮強臨觴。歸獻西陵作，誰知

此路長。

酬李員外從崔錄事載華宿三河戍先見寄

寒江鳴石瀨。歸客夜初分。人語空山答。猿聲獨戍聞。遲來朝及暮。愁去水連雲。歲晚心誰在。青山見此君。  
見秦系離婚後出山居作

豈知借老重。垂老絕良姻。郝氏誠難負。朱家自媿貧。綻衣留欲故。織錦罷經春。何況蘼蕪綠。空山不見人。  
酬秦系

鶴書猶未至。那出白雲來。舊路經年別。寒潮每日迴。家空歸海燕。人老發江梅。最憶門前柳。閑居手自栽。  
歲日作

建寅迴北斗。看歷占春風。律變滄江外。年加白髮中。春衣試稚子。壽酒勸衰翁。今日陽和發。榮枯豈不同。  
題元錄事開元所居

幽居蘿薜情。高臥紀綱行。鳥散秋鷹下。人閑春草生。一作風歸野寺。收印出山城。今日新安郡。因君水  
更清。

送崔載華張起之閩中

不識閩中路。遙知別後心。猿聲入嶺切。鳥道問人深。旅食過夷落。方言會越音。西征開幕府。早晚用陳琳。  
送張司直赴嶺南謁張尙書

番禺萬里路。遠客片帆過。盛府依橫海。荒祠拜伏波。人經秋瘴變。鳥墜火雲多。誠憚炎洲裏。無如一顧何。

寄會稽公徐侍郎

公時在王傅

搖落淮南葉。秋風想越吟。鄒枚入梁苑。逸少在山陰。老鶴無衰貌。寒松有本心。聖朝難稅駕。惆悵白雲深。

送朱山人放越州賊退後歸山陰別業

越州一作中初罷戰。江上送歸橈。南渡無來客。一作信西陵自落潮。空城垂故細。一作柳舊業一作井廢春苗。閭里

相逢少。一作誰相見鶯花共寂寥。

秋夜肅公房喜普門上人自陽羨山至

山棲久不見。林下偶同遊。早晚來香積。何人住沃洲。寒禽驚後一作獨夜。一作晚古木帶高秋。卻入千峰去。孤

雲不可留。

送李祕書卻赴南中

此公舉家先流嶺外。兄弟數人俱沒南中。

卻到番禺日。應傷昔所依。炎洲百口住。故國幾人歸。路識梅花在。家存一作看隸萼稀。獨逢迴雁去。猶作舊

行飛。

過前安宜張明府郊居

寂寥東郭外。白首一先生。解印一作考滿孤琴在。移家一作移家五柳成。夕陽臨水釣。春雨向田耕。終日空林下。何

人識此情。



使迴次楊柳過元八所居

君家楊柳渡。來往落帆過。綠竹經寒在。青山欲暮多。薜蘿誠可戀。婚嫁復如何。無奈閑門外。漁翁夜夜歌。

送李侍御貶郴州

洞庭波渺渺。君去弔靈均。幾路三湘水。全家萬里人。聽猿明月夜。看柳故年春。憶想汀洲畔。傷心向白蘋。

寄普門上人

白雲幽臥處。不向世人傳。聞在千峰裏。心知獨夜禪。辛勤羞薄祿。依止愛閑田。惆悵王孫草。青青又一年。

逢郴州使因寄鄭協律

相思楚天外。夢寐楚猿吟。更落淮南葉。難爲江上心。衡陽問人遠。湘水向君深。欲逐孤帆去。茫茫何處尋。

岳陽館中望洞庭湖

萬古巴邱戍。平湖此一作北。望長問人何。淼淼愁暮更蒼蒼。疊浪浮元氣。中流沒太陽。孤舟有歸客。早晚達瀟湘。

巡去岳陽。卻歸鄂州使院。留別鄭洵侍御。侍御先曾謫居此州。

何事長沙謫。相一作長逢楚水秋。暮帆歸夏口。寒雨對巴邱。帝子椒漿奠。騷人木葉愁。誰憐萬里外。離別洞庭頭。

夏口送屈突司直使湖南

共悲一作愁來夏口，何事更南征。  
霧露行人少，瀟湘春草生。  
鶯啼何處夢，猿嘯若爲聲。  
風月新年好，悠悠遠客情。



# 劉隨州詩集卷二

雨中過員稷巴陵山居贈別

憐君洞庭上。白髮向人垂。積雨悲幽獨。長江對別離。牛羊歸故道。猿鳥聚寒枝。明發遙相望。雲山不可知。

送李中丞之襄州

一作送李中丞歸漢陽李季一無之襄州三字

流落征南將。曾驅十萬師。罷歸無舊業。老去戀明時。獨立三朝識。一作邊靜輕生一劍知。一作隨茫茫漢江上。日

暮復一作欲何之。

奉使至申州傷經陷沒

舉目傷蕪沒。何年此戰爭。歸人失舊里。老將守孤城。廢戍山煙世。荒田野火行。獨憐御水上。時亂亦能清。

穆陵關北逢人歸漁陽

逢君穆陵路。匹馬向桑乾。楚國蒼山古。幽州白日寒。城池百戰後。耆舊幾家殘。處處蓬蒿徧。歸人掩淚看。

安州道中經澧水有懷

征途逢澧水。忽似到秦川。借問朝天處。猶看落日邊。映沙晴漾漾。出澗夜濺濺。欲寄西歸恨。微波不可傳。

步登夏口古城作

平蕪連古堞。遠客此沾衣。高樹朝一作光上。空城秋氣歸。微明漢水極。搖落楚人稀。但見荒郊外。寒鷗暮  
暮飛。

贈別盧司直之閩中

爾來多不見。此去又何之。華髮同今日。流芳似舊時。洲長春色遍。漢廣夕陽遲。歲歲王孫草。空憐無處期。

酬郭一作夏一作張一作廩

人日長沙感懷見贈此公比經流  
窺視在上都

舊俗歡猶在。憐君恨獨深。新年向國淚。今日倚門心。歲去隨湘水。春生近桂林。流鶯且莫弄。江畔正行吟。

赴巴南書情寄故人一作南巴

南過三湘去。巴人此路偏。謫居秋瘴裏。歸處夕陽邊。直道天何在。愁容鏡亦憐。裁書欲誰訴。無淚可潸然。

餘干旅舍

搖落暮天迥。青楓霜葉稀。孤城向水閉。獨鳥背人飛。渡口月初上。鄰家漁未歸。鄉心正欲絕。何處擣寒衣。

登思禪寺上方題修竹茂松

上方幽且暮。一作西峰臺殿一作隱蒙籠。一作遠磬秋山裏。清猿古木中。衆溪連竹路。諸嶺共松風。儻許

棲林下。甘成白首翁。

恩敕重推使。牒追赴蘇州。次前溪館作

漸入雲峯裏。愁看驛路閑。亂鷗投落日。疲馬向空山。且喜憐非罪。何心戀末班。天南一萬里。誰料得生還。

北歸次秋浦界清溪館

萬里一作嶺。猿啼一作頻。斷孤村客暫依。一作萬古啼猿。後孤城落日依。雁過彭蠡暮。人向宛陵稀。舊路青山在。餘生白首歸。漸知行近北。不見鷓鴣飛。

謫官後卻歸故村將過虎邱悵然有作

萬事依然在。無如歲月何。邑人憐白髮。庭樹長新柯。故老相逢少。同官不見多。唯餘舊山路。惆悵枉帆過。重推後卻赴嶺外待進止寄元侍郎

卻訪巴人路。難期國士恩。白雲從出岫。黃葉已辭根。大造功何薄。長年氣尙冤。空令數行淚。來往落湘沅。

秋杪江亭有作一作秋杪千越亭

寂寞江亭下。江楓秋氣斑。一作日暮更愁。遠天涯殊未還。世情何處澹。湘水向人閑。寒渚一孤雁。夕陽千萬山。扁舟如一作將落葉。此去未知還。一作俱在洞庭間。

送鄭司直歸上都

歲歲逢離別。蹉跎江海濱。宦遊成楚老。鄉思逐秦人。馬首歸何日。鶯啼又一春。因君報情舊。閑慢欲垂綸。

送靈澈上人歸嵩陽蘭若一作巖

南地隨緣久。東林幾歲空。暮山門獨掩。春一作青草路難通。作梵連松韻。焚香入桂叢。唯將舊餅鉢。卻寄白雲中。

卻赴南邑留別蘇臺知己

又過梅嶺上。歲歲此一作北枝寒。落日孤舟去。青山萬里看。猿聲湘水靜。草色洞庭寬。已料生涯事。唯應把釣竿。

和靈一上人新泉

東林一泉出。復與遠公期。石淺寒一作淺流處。山空夜一作暮落時。一作淺澗春流處。空山夜月時。夢閑聞一作歸細響。慮澹對一作向清漪。動靜皆無意。一作如此唯應達一作者知。

送李摯赴延陵令

清風季子邑。想見下車時。向水彈琴靜。看山採菊遲。明君加印綬。廉使託惇縻。旦暮華陽洞。雲峯若有期。奉送裴員外赴上都

長沙桓王墓下別李紆張南史

彤襜江上遠。萬里詔書催。獨過潯陽去。空憐潮信迴。離心秋草綠。揮手暮帆開。想見秦城路。人看五馬來。長沙千載後。春草獨萋萋。流水朝將一作空暮。行人東復西。碑苔幾字滅。山木萬株齊。佇立傷今古。一作惟有

年芳  
相看惜解攜。

送侯侍一有御赴黔中充判官

不識黔中路。今看遣使臣。猿啼萬里客。鳥似五湖人。地遠官無法。山深俗豈淳。須令荒徼外。亦解懼埋輪。

秋日登吳公臺上寺遠眺寺卽陳將吳明徹戰場一作地

古臺搖落後。秋日一作入望鄉心。野寺人來少。雲峯水隔深。夕陽依舊壘。寒磬滿空林。惆悵南朝事。長江獨

至今。

淮上送梁二恩命追赴上都

賈生年最少。儒行漢庭聞。拜手卷黃紙。迴身謝白雲。故關無去客。春草獨隨君。淼淼長淮水。東西自此分。

送崔昇歸上都

舊寺尋遺緒。歸心逐去塵。早鶯何處客。古木幾家人。白髮經多難。滄洲欲暮春。臨期數行淚。爲爾一霑巾。

過李將軍南鄭林園觀妓

郊原風日好。百舌弄何頻。小婦秦家女。將軍天上人。鴉歸長郭暮。草映大隄春。客散垂楊下。通橋車馬塵。

送嚴侍御充東畿觀察判官

洛陽征戰後。君去問凋殘。雲月一作日臨南至。風霜向北寒。故園經亂久。古木隔林看。一作古道近鄉看誰訪江城



客年守一官

送王端公入奏上都

舊國無家訪，臨歧亦羨歸。途經百戰後，客過二陵稀。秋草通征騎，寒城背落暉。行當蒙顧問，吳楚歲頻饑。

送營田判官鄭侍御赴上都

上國三千里，西還一作遊及歲芳。故山經亂在，春日送歸長。曉奏趨雙闕，秋成報萬箱。幸論開濟力，已實海

陵倉。

送李校書赴東浙幕府校書工於翰墨

方從大夫後，南去會稽行。淼淼滄江外，青青草草生。芸香辭亂一作校事，梅吹聽軍聲。應訪王家宅，空憐江

水平。

清明後登城眺望

風景清明後，雲山睥睨前。百花如舊日，萬井出新煙。草色無空地，江流合遠天。長安在何處，一作何處是遙指

夕陽邊。

陪王明府泛舟

花縣彈琴暇，樵風載酒時。山含秋色近，鳥度夕陽遲。出沒鳧成浪，蒙籠竹亞枝。雲峯逐人意，來去解相隨。

送度支留劉一作劉後若侍御之歙州便赴信州省覲

國用憂錢穀朝推此任難卽山榆莢變降雨稻花殘林響朝登嶺江喧夜過灘遙知驄馬色應待倚門看  
餘干夜宴奉餞前蘇州韋使君新除婺州作

復拜東陽郡遙馳北闕心行春五馬急向夜一猿深山過康郎近星看婺女臨幸容棲託分猶戀舊棠陰  
晚次苦竹館卻憶干越舊遊

匹馬風塵色千峯旦暮時遙看落日盡獨向遠山遲故驛花臨道荒村竹映籬誰憐卻迴首步步戀南枝  
送李二十四移家之江州

煙塵猶一作透滿目歧路易霑衣一作通客多南渡征一作春鴻自北飛九江春草綠一作東林古寺靜千里暮潮歸  
別後難一作誰相訪全家隱釣磯一作美爾全家隱鐘峰對掩扉

### 送盧判官南湖

漾舟仍載酒愧爾意相寬草色南湖綠松聲小署寒水禽前後起一作出花嶼往來看已作滄洲調無心戀一官

### 送張榭扶持之睦州此公舊任建德令

遙憶新安舊扁舟復卻還淺深看水石來往逐雲山人縣餘花在過門故柳閑東征隨子去皆隱薜蘿間

集梁耿開元寺所居院

到君幽臥處。爲我埽莓苔。花雨晴天落。松風終日來。路經深竹過。門向遠山開。豈得長高枕。中期正用才。

贈西鄰盧少府

籬落能相近。漁樵偶復同。苔封三徑絕。溪向數家通。犬吠寒煙裏。鷓鳴一作飛夕照中。時因杖藜次。一作藍巖

遊休禪師雙峰寺

雙扉碧峰際。遙向夕陽開。飛錫方獨往。孤雲何事來。寒潭映白月。秋雨上青苔。相送東郊外。羞看驄馬回。

廡中見桃花南枝已開北枝未發因寄杜副端

何意同根本。開花每後時。應緣去日遠。獨自發春遲。一作難忘。一作望。無言恨豈知。年光不可待。空羨向南枝。

奉送盧員外之饒州

天書萬里至。旌旆上江飛。日向鄱陽近。應看吳岫微。暮帆何處落。潮水背人歸。風土無勞問。南枝黃葉稀。

送處士歸州因寄林山人

陵陽不可見。獨往復如何。舊邑雲山裏。扁舟來去過。鳥聲春谷靜。草色太湖多。儻宿荆溪夜。相思漁者歌。

移使鄂州次峴陽館懷舊居

多慚恩未報。敢問路何長。萬里通秋雁。千峰共夕陽。舊遊成遠道。此去更遼遠。一作迷鄉草露深空。一作山裏朝朝落滿。一作朝落客裳。

送齊郎中赴海州

華省占星動。孤城望日遙。直廬收舊草。行縣及新苗。滄海天連水。青山暮與朝。閭閻幾家散。應待下車招。重陽日鄂城樓送屈突司直

登高復送遠。惆悵洞庭秋。風景一作水同前一作千。古雲山滿上游。蒼蒼來暮雨。淼淼逐寒流。今日關中事。蕭何共爾憂。

更被奏留淮南送從弟罷使江東

又作淮南客。遠悲木葉聲。寒潮落瓜步。秋色上蕪城。王事何時盡。滄洲羨爾行。青山將綠水。惆悵不勝情。經漂母墓

昔賢懷一飯。茲事已千秋。古墓樵人識。前朝楚水流。渚蘋行客薦。山木杜鵑愁。春草茫茫綠。王孫舊此遊。送李端公赴東都

軒轅征戰後。江海別離長。遠客歸何處。平蕪滿故鄉。夕陽帆杳杳。舊里樹蒼蒼。惆悵蓬山下。瓊枝不可忘。

送王員外歸朝

往來無盡目。離別要逢春。海內權多事。天涯見近臣。芳時萬里客。鄉路獨歸人。魏闕心常在。隨君亦向秦。

送蔣侍御入秦

朝見及芳菲。恩榮出紫微。晚光臨仗奏。春色共西歸。楚客移家老。秦人訪舊稀。因君鄉里去。爲埽故園扉。

洞庭驛逢郴州使還寄李湯司馬

洞庭秋水闊。南望過衡峯。遠客瀟湘裏。歸人何處逢。孤雲飛不定。落葉去無蹤。莫使滄浪叟。長歌笑爾容。

送舍弟之鄱陽居

鄱陽寄家處。自別掩柴扉。故里人何在。滄波孤客稀。湖山春草遍。雲木夕陽微。南去逢迴雁。應憐相背飛。

送裴二十端公使嶺南

蒼梧萬里路。空見白雲來。遠國知何在。憐君去未迴。桂林無葉落。一作落葉梅嶺自花開。陸賈千年後。誰看朝漢臺。

過桃花夫人廟卽息夫人

寂寞應千歲。桃花想一枝。路人看古木。江月向空祠。雲雨飛何處。山川是舊時。獨憐春草色。猶似憶佳期。

鄂渚送池州程使君

蕭蕭五馬動。欲別謝臨川。落日蕪湖色。空山梅冶煙。江湖通廡舍。楚老拜戈船。風化東南滿。行舟來去傳。  
送友人西上

羈心不自解。有別會霑衣。春草連天積。五陵遠客歸。十年經轉戰。幾處便一作更芳菲。想見函關路。行人去亦稀。

送梁郎中赴吉州

遙想廬陵郡。還聽叔度歌。舊官移上象。新令布中和。看竹經霜少。聞猿帶雨多。但愁徵拜日。無奈借留何。

過湖南羊一作來處士別業

杜門成白首。湖上寄生涯。秋草蕪一作閑三徑。寒塘獨一家。鳥歸村落盡。水向縣城斜。自有東籬菊。年年解

作花。一作愛汝醒還醉。東籬菊正花。

送河南元判官赴河南句當苗稅充百官俸錢

春草長河曲。離心共渺然。方收漢家俸。獨向汶陽田。鳥雀空城在。榛蕪舊路遷。山東征戰苦。幾處有人煙。

夏中崔中丞宅見海紅搖落一花獨開

何事一花殘。閑庭百草闌。綠滋經雨發。紅豔隔林看。竟日餘香在。過時獨秀難。共憐芳意晚。秋露未須團。

一作溥

使還至

一作自

菱陂

一作波

驛渡瀨水作

清川已再涉。疲馬共西還。何事行人倦。終年流水閑。孤煙飛一作出廣澤。一鳥向空山。愁入雲峯裏。蒼蒼閉古關。

送齊郎中典括州

星象移何處。旌麾獨向東。勸耕滄海畔。聽訟白雲中。樹色一作影雙溪合。猿聲萬嶺同。石門康一作空樂住一作在幾里枉帆通。

過隱空和尚故居

自從飛錫去。人到沃洲稀。林下期何在。山中春獨歸。踏花尋舊徑。映竹掩空扉。寥落東峯上。猶堪靜者依。過蕭尚書故居見李花感而成詠

手植已芳菲。心傷故徑微。往年啼鳥至。今日主人非。滿地誰當掃。隨風豈復歸。空憐舊陰在。門客共霑衣。送袁處士

閑田北川下。靜者去躬耕。萬里空江蘗。孤舟過郢城。種荷依野水。移柳待山鶯。出處安能問。浮雲豈有情。

酬李侍御登岳陽見寄

想見孤舟去。無由此路尋。暮帆遙在眼。春色獨何心。綠水瀟湘闊。青山鄂杜深。誰當北風至。爲爾一開襟。

# 劉隨州詩集卷三

夏口送徐郎中歸朝

星象南宮遠。風流上客稀。九重思曉奏。萬里見春歸。棹發空江響。城孤落日暉。離心與楊柳。臨水更依依。

鄂渚聽杜別駕彈胡琴

文姬留此曲。千載一知音。不解胡人語。空留一作愁楚客心。聲隨邊草動。意入隴雲深。何事長江上。蕭蕭出

塞吟。

過鸚鵡洲王處士別業

白首此爲漁。青山對結廬。問人尋野笋。留客饋家蔬。古柳依沙發。一作岸春苗帶雨鋤。共憐芳杜色。終日伴

閑居。

寄萬州崔使君命

時艱方用武。儒者任浮沈。搖落秋江暮。憐君巴峽深。邱一作立門多白首。蜀郡滿青襟。自解書生詠。愁猿莫

夜吟。

送馬秀才移家京洛便赴舉



自從爲楚客，不復掃荆扉。劍共丹誠在，書隨白髮歸。舊遊經亂靜，後進識君稀。空把相如賦，何人薦禮闈。

送南特進赴歸行營

聞道軍書至，揚鞭不問家。虜雲連白草，漢月到黃沙。汗馬河源飲，燒羌隴坻遮。翩翩新結束，去逐李輕車。

送道標上人歸南岳

悠然一作悠倚孤棹，卻憶臥中林。江草將歸遠，湘山獨往深。白雲留不住，淥水去無心。衡岳千峯亂，禪房何

處尋。

送梁侍御巡一作赴永州

蕭蕭江雨暮，客散野一作短亭空。憂國天涯去，思鄉歲暮同。到時猿未斷，迴處水應窮。莫望零陵路，千峯萬

木中。

歲夜喜魏萬成郭夏一作廩雪中相尋

新年欲變柳，舊客共霑衣。歲一作旅夜猶難盡，鄉春又獨歸。寒燈映虛牖，暮雪掩閑扉。且莫一作旦暮乘船去，平

生相訪稀。

送蔡侍御赴上都

遲遲立駟馬，久客戀瀟湘。明日誰同路，新年獨到一作別鄉。孤煙一作燈向驛遠，積雪去關長。秦地看春色，南

枝不可忘。

晦日陪辛大夫宴南亭

月晦逢休澣，年光逐宴移。早鶯留客醉，春日爲人遲。冥草全無葉，梅花遍壓枝。政閑風景好，莫比峴山時。

送獨孤判官赴嶺

伏波初樹羽，待爾靜川鱗。嶺海看飛鳥，天涯問遠人。蒼梧雲裏夕，青草嶂中春。遙想文身國，迎舟拜使臣。

長沙館中與郭夏一作對雨

長沙積雨晦，深巷絕人幽。潤上春衣冷，聲連暮角愁。雲橫全楚地，樹暗古湘洲。杳藹江天外，空堂生百憂。

陪辛大夫西亭宴觀妓

歌舞憐一作連，遲日旄麾一作旗。映早春鶯窺隴西，將花對洛陽人。醉罷知何事，恩深忘此身。任他行雨去，歸

路蔓香一作塵。

題魏萬成江亭

蕭條方歲晏，牢落對空洲。才出時人右，家貧湘水頭。蒼山隱暮雪，白鳥沒寒流。不是蓮花府，冥冥不可求。

春過裴虬郊園時裴不在，因以寄之。

郊原春欲暮，桃杏落紛紛。何處隨芳草，留家寄白雲。聽鶯情念友，看竹恨無君。長嘯高臺上，南風薰爾聞。

送韋贊善使嶺南

欲逐一作樓船將方安卉服夷。炎洲經瘴遠。春水上瀧遲。歲貢隨重譯。年芳徧四時。番禺靜無事。空詠飲

泉詩。

送喬判官赴福州

揚帆向何處。插羽逐征東。夷落人煙迴。王程鳥路通。江流回澗底。山色聚閩中。君去彫殘後。應憐百越空。

送李補闕之上都

獨歸西掖去。難接後塵遊。向日三千里。朝天十二樓。路看新柳夕。家對舊山秋。惆悵離心遠。滄江空自流。

送袁明府之任

既有親人術。還逢試吏年。蓬蒿千里閉。村樹幾家全。雪覆淮南道。春生潁谷煙。何時當莅政。相府待聞天。

海鹽官舍早春

小邑滄洲吏。新年白首翁。一官如遠客。萬事極飄蓬。柳色孤城裏。鶯聲細雨中。羈心早已亂。何事更春風。

南湖送徐二十七西上

家在橫塘曲。那能萬里違。門臨秋水掩。一作掩。帆帶夕陽飛。傲俗宜紗帽。干時倚布衣。獨將湖上月。相逐去

還歸。

曲阿對月別岑況徐說

金陵已蕪沒。函谷復煙塵。猶見南朝月。還隨上國人。白雲心自遠。滄海意相親。何事須成別。汀洲欲暮春。

送李侍御貶鄱陽此公近由州使過

迴車仍昨日。謫去已秋風。干越知何處。雲山只向東。暮天江色裏。田鶴稻花中。卻見鄱陽吏。猶應舊馬驄。

送路少府使東京便應制舉時梁宋初失守一題作送駱三少府西山應制

故人西奉使。胡騎正紛紛。一作汀洲芳草綠。日暮更氛氲。舊國無來信。春江獨送君。五言凌白雪。六翮向青雲。誰念滄洲

吏。一作忘機鷗鳥羣。一作自是無機者。沙鷗已可羣。又作空自無機事。沙鷗已可羣。

松江獨宿

洞庭初下葉。孤客不勝愁。明月天涯夜。青山江上秋。一官成白首。萬里寄滄洲。久被浮名繫。能無媿海鷗。

尋白石山真禪師舊草堂

惆悵雲山暮。閑門獨不開。何時飛杖錫。終日閉蒼苔。隔嶺春猶在。無人燕亦來。誰堪暝投處。空復一猿哀。

送行軍張司馬罷使迴一作送張屋司直歸越中

時危身赴敵。事往任浮沈。一作末路萬里三江去。當時一作孤城百戰心。春風吳苑一作草綠。古木剡山深。千里滄波

上。一作明日滄洲路。孤舟一作不可尋。

喜李翰自越至

南浮滄海上。萬里到吳臺。久別長相憶。孤舟何處來。春風催客醉。江月向人開。羨爾無羈束。沙鷗獨不猜。

罪所留繫寄張十四

不見君來久。冤深意未傳。治長空得罪。夷甫豈言錢。直道天何在。愁容鏡亦憐。因書欲自訴。無淚可潸然。

送勤照和尚往睢陽赴太守請

燃燈傳七祖。杖錫爲諸侯。來去一作住雲無意。東西水自流。青山春滿目。白日夜隨舟。知到梁園下。蒼生賴一作眷此遊。

長門怨

何事長門閉。珠簾只自垂。月移深殿早。春向後宮遲。蕙草生閑地。梨花發舊枝。芳菲自一作似恩幸。看著一作卻被風吹。

過橫山顧山人草堂

一作只一作見山相掩。誰言路尙通。人來千嶂外。犬吠百花中。細草香飄雨。垂楊閑臥風。卻尋樵徑去。惆悵綠溪東。

送李校書適越謁杜中丞

江風處處盡。旦暮水空波。搖落行人去。雲山向越多。陳蕃懸榻待。謝客枉帆過。相見耶溪路。逶迤入薜蘿。

秋夜雨中諸公過靈光寺所居

晤語青蓮舍。重門閉夕陰。向人寒燭靜。帶雨夜鐘沈。一作深流水從他事。孤雲任此心。不能捐斗粟。終日媿瑤琴。

西庭夜燕喜評事兄拜會

猶是南州吏。江城又一春。隔簾湖上月。對酒眼中人。棘寺初銜命。梅仙已誤身。無心羨榮祿。唯待卻垂綸。

尋南溪常山道人隱居

一作尋常山南溪道士隱居

一路經行處。莓一作蒼苔見屢痕。白雲依靜渚。一作者春一作芳草閉閑門。過雨看松色。隨山到水源。溪花與禪意。相對亦忘言。

揚州雨中張十宅觀妓

一作張謂詩

夜色帶一作對春煙。燈花拂更然。殘妝添石黛。豔舞落金鈿。掩笑頻欹扇。迎歌乍動弦。不知巫峽雨。何事海西邊。

赴宣州使院夜宴寂上人房留辭前蘇州韋使君

白雲乖始願。滄海有微波。戀舊爭趨府。臨危欲負戈。春歸花殿暗。秋一作寒傍竹房多。耐可機心息。其如羽

檄何。

送薛承矩秩滿北遊

匹馬向何處。北遊殊未還。寒雲帶飛雪。日暮雁門關。一路傍汾水。數州看晉山。知君喜初服。祇愛此身閑。

餞別王十一南遊

望君煙水闊。揮手淚霑巾。飛鳥沒何處。青山空向人。長江一帆遠。落日五湖春。誰見汀洲上。相思愁白蘋。

送嚴維尉諸暨

嚴卽越州人。

愛爾文章遠。還家印綬榮。退公兼色養。臨下帶鄉情。喬木映官舍。春山宜縣城。應憐釣臺石。閑卻爲浮名。

附嚴維留別劉八

採薇。中年從一尉。自笑此身非。道薄甘微祿。時艱恥息機。晨趨本鄉府。晝偃故山扉。但見干戈異。何妨更

送李七之荅水謁張相公

惆悵青春晚。慙慙濁酒壚。後時長劍澀。斜日片帆孤。東閣邀才子。南昌老腐儒。梁園舊相識。誰憶臥江湖。

送崔處士先適越

山陰好雲物。此去又春風。越鳥聞花裏。曹娥想鏡中。小江潮易滿。萬井水皆通。徒羨扁舟客。微官事不同。

奉陪使君西庭送淮西魏判官得山字

羽檄催歸恨。春風醉別顏。能邀五馬送。自逐一星還。破竹從軍樂。看花聽訟閑。遙知用兵處。多在八公山。  
獄中見壁畫佛

不謂銜冤處。而能窺大悲。獨棲叢棘下。還見雨花時。地狹青蓮小。城高白日遲。幸親方便力。猶畏毒龍欺。  
送許拾遺還京

萬里辭三殿。金陵到舊居。文星出西掖。卿月在南徐。故里驚朝服。高堂捧詔書。暫容乘駟馬。誰許戀鱸魚。

送張七判官還京觀省大夫之子時初

春蘭方可採。此去葉初齊。函谷鶯聲裏。秦山馬首西。庭闈新柏署。門館舊桃蹊。春色一作日長安道。相隨入禁閨。一本缺

送孫瑩京監擢第歸蜀觀省

適賀一枝新。旋驚萬里分。禮闈稱獨步。太學許能文。征馬望春草。行人看暮雲。遙知倚門處。江樹正氛氲。  
送史九赴任寧陵兼呈單父史八時監察五兄初入臺

趨府弟聯兄。看君此去榮。春隨千里道。河帶萬家城。繡服棠花映。青袍草色迎。梁園修竹在。持贈結交情。  
臥病喜田九見寄一作過



臥來能幾日。春事已依然。不解謝公意。翻令靜者便。庭陰殘舊雪。柳色帶新年。寂寞深村裏。唯君相訪偏。

重過宜峯寺山房寄靈一上人

西陵潮信滿。島嶼入中流。越客依風水。相思南渡頭。寒光生極浦。暮雪映滄洲。何事揚帆去。空驚海上鷗。

雲門寺訪靈一上人

所思勞日夕。惆悵去西東。禪客知何在。春山到處同。獨行殘雪裏。相見白雲中。請近東林寺。窮年事遠公。

送陸羽之茅山寄李延陵

延陵衰草徧。有路問茅山。雞犬驅將去。煙霞擬不還。新家彭澤縣。舊國穆陵關。處處逃名姓。無名亦是閑。

寄靈一上人初還雲門一作皇甫曾詩

寒霜白雲裏。法侶自相攜。竹逕通城上。松風隔水西。方同沃洲去。不作武陵迷。髣髴知心處。高峯是會稽。

寄靈一上人一作皇甫冉詩一作耶士元詩

高僧本姓竺。開士舊名林。一去春山裏。千峯不可尋。新年芳草徧。終日白雲深。欲徇微官去。懸知訝此心。

送韓司直

遊吳還入越。來往任風波。復送王孫去。其如春草何。岸明殘雪在。潮滿夕陽多。季子楊柳廟。一作留遺廟停舟

試一過。

酬李郎中夜登蘇一作福州城樓見寄

辛勤萬里道。蕭索九秋殘。日照閩中夜。天疑海上寒。客程無地遠。主意在人安。遙寄登樓作。空知行路難。

送人遊越一作郎士元詩

未習風波事。初爲吳越遊。露霑湖色曉。一作晚月照海門山。一作秋梅市門何在。蘭亭水尙流。西陵待潮處。落日滿扁舟。

日滿扁舟。

贈普門上人

支公身欲老。長在沃洲多。惠力堪傳教。禪心久伏魔。山雲隨坐夏。江草伴頭陀。借問迴心後。賢愚去幾何。

送康判官往新安一作皇甫冉詩

不向新安去。那知江路長。猿聲近廬霍。水色勝瀟湘。驛路收殘雨。漁家帶夕陽。何須愁旅泊。使者有輝光。

送顧長一本題下有往新安三字

由來山水客。復道向新安。半是乘槎便。全非行路難。晨裝林月在。野飯浦沙寒。嚴子千年後。何人釣舊灘。

九日登李明府北樓

九日登高望。蒼蒼遠樹低。人煙湖草裏。山翠縣樓西。霜降鴻聲切。秋深客思迷。無勞白衣酒。陶令自相攜。

同諸公登樓

秋草行將暮。登樓客思驚。千家同霽色。一雁報寒聲。北望無鄉信。東遊滯客行。今君佩銅墨。還有越鄉情。

送友人南遊

不愁尋水遠。自愛逐連山。雖在春風裏。猶從芳草間。去程何用計。勝事且相關。旅逸同羣鳥。悠悠往復還。

送裴二十一

多病長無事。開筵暫送君。正愁帆帶雨。莫望水連雲。客思閑偏極。川程遠更分。不須論早晚。惆悵又離羣。

送張判官罷使東歸

白首辭知己。滄洲憶舊居。落潮迴野艇。積雪臥官廬。范叔寒猶在。周王歲欲除。春山數畝地。歸去帶經鉏。

早春

微雨夜來歇。江南春色迴。本驚時不住。還恐老相催。人好千場醉。花無百日開。豈堪滄海畔。爲客十年來。

送青苗鄭判官歸江西

三苗餘古地。五稼滿秋田。來問周公稅。歸輸漢俸錢。江城寒背日。湓水暮連天。南楚彫殘後。疲民賴爾憐。

# 劉隨州詩集卷四

## 過包尊師山院

賣藥曾相識。吹簫此復聞。杏花誰是主。桂樹獨留君。漱玉臨丹井。圍碁訪白雲。道經今爲寫。不慮惜鵝羣。

## 故女道士婉儀太原郭氏挽歌詞二首

作範宮闈睦。歸真道藝一作藝業超。馭風仙路遠。背日帝宮一作居遙。鸞殿空留處。霓裳已罷朝。淮王哀不盡。松柏但蕭蕭。宮禁思一作思長隔。神仙道已分。人間驚早露。天上失朝雲。逝水年無限。佳城日易曛。簫聲將薤曲。哀斷不堪聞。

## 少年行

射飛誇侍獵。行樂愛聯鑣。薦枕青蛾豔。鳴鞭白馬驕。曲房珠翠合。深巷管弦調。日晚春風裏。衣香滿路飄。

## 歸弋陽山居留別盧邵二侍御

渺渺歸何處。沿流附客船。久依鄱水住。頻稅越人田。偶俗機偏少。安閑性所便。祇應君少慣。又欲寄林泉。

## 赴江西湖上贈皇甫曾之宣州

莫恨扁舟去。一作此去川途一作南行我更遙。東西潮渺渺。離別雨蕭蕭。流水通春谷。青山過板橋。天涯有來

客遲爾訪漁樵。

一作潯陽如枉棹。千里有歸潮。

湘中紀行十首

湘妃廟

荒祠古木暗。寂寂此江濱。未作湘湖

一作湖。

南雨。知爲何處雲。苔痕斷珠履。草色帶羅裙。莫唱迎仙曲。空山不

可聞。

斑竹巖

蒼梧在何處。斑竹自成林。點點留殘淚。枝枝寄此心。寒山響易滿。秋水影偏深。欲覓樵人路。蒙籠

一作朦朧。

可尋。

洞山陽

浮邱公舊隱處。一作洞陽山。

舊日仙成處。荒林客到稀。白雲將犬去。芳草任人歸。空谷無行徑。深山少

一作多。

落暉。桃園幾家住。誰爲掃荆扉。

雲母溪

雲母映溪水。溪流知幾春。深藏武陵客。時過洞庭人。白髮慚皎鏡。清光媚滄淪。寥寥古松下。歲晚挂頭巾。

赤沙湖

茫茫葭葦外。一望一霑衣。秋水連天闊。潯陽何處歸。沙鷗積暮雪。川日動寒暉。楚客來相問。孤舟泊釣磯。

秋雲嶺

山色無定姿。如煙復如黛。孤峰夕陽後。翠嶺秋天外。雲起遙蔽虧。江迴頻向背。不知今遠近。到處猶相對。

花石潭

江楓日搖落。轉愛寒潭靜。水色淡如空。山光復相映。人閑流更慢。魚戲波難定。楚客往來多。偏知白鷗性。

石圍峰一作石崗山

前山帶秋色。獨往一作住秋江晚。疊嶂入雲多。孤峰去人遠。蚤緣不可到。蒼翠空在眼。渡口問漁家。桃源路

深淺。

浮石瀨

秋月照瀟湘。月明聞盪漿。石橫晚瀨急。水落寒沙廣。衆嶺猿嘯重。空江人語響。清暉朝復暮。如待扁舟賞。

橫龍渡

空傳古岸下。曾見蛟龍去。秋水晚沈沈。一作獨疑在深何。一作處亂聲沙上石。倒影雲中樹。一作見獨見一作繫一扁

舟。樵人往來渡。

雜詠八首上禮部李侍郎

幽琴

中二聯作聽琴絕句已見前卷

月色滿軒白。琴聲宜夜闌。颺颺青絲上。靜聽松風寒。古調雖自愛。今人多不彈。向君投此曲。所貴知音難。

晚桃

首二聯作入百丈澗見桃花晚開絕句已見前卷

四月深澗底。桃花方欲然。甯知地勢下。遂使春風偏。此意頗堪惜。無言誰爲傳。過時君未賞。空媚幽林前。

疲馬

元黃一疲馬。筋力盡胡塵。驤首北風夕。徘徊鳴向人。誰憐棄置久。卻與鶯駘親。猶戀長城外。青青塞草春。

春鏡

寶鏡凌曙開。含虛淨如水。獨懸秦臺上。萬象清光裏。豈慮高鑒偏。但防流塵委。不知娉婷色。回照今何似。

古劍

龍泉闕古匣。苔蘚淪此地。何意久藏鋒。翻令世人棄。鐵衣今正澀。寶刃猶可試。儻遇拂拭恩。應知剗犀利。

舊井

舊井依舊城。寒水深洞徹。下看百餘尺。一鏡光不滅。素綆久未垂。清涼尙含潔。豈能無汲引。長訝君恩絕。

白鷺

亭亭常獨立。川上時延頸。秋水寒白毛。夕陽弔孤影。幽姿閑白媚。逸翮思一騁。如有長風吹。青雲在俄頃。

寒缸

向夕燈稍進。空堂彌寂寞。光寒對愁人。時復一花落。但恐明見累。何愁暗難託。戀君秋夜永。無使蘭膏薄。

寄李侍御

舊國人未歸。芳一作滄洲草還碧。年年湖上亭。一作春悵望江南客。驄馬入關西。白雲獨何適。相思煙水外。唯

有心不隔

晚泊湘江懷故人

天涯片雲去。遙指帝鄉憶。惆悵增暮情。瀟湘復秋色。扁舟宿何處。落日羨歸翼。萬里無故人。江鷗不相識。

過鄔三湖上書齋

何事東南客。忘機一釣竿。酒香開甕老。湖色對門寒。向郭青山送。臨池白鳥看。見君能浪迹。予亦厭微官。

從軍六首

迴看虜騎合。城下漢兵稀。白刃兩相向。黃雲愁不飛。手中無尺鐵。徒欲突重圍。目極雁門道。青青邊草春。一身事征戰。匹馬同苦辛。末路成白首。功歸天下人。倚劍白日暮。望鄉登戍樓。北風吹羌笛。此夜關山愁。迴首不無意。滹河空自流。黃沙一萬里。白首無人憐。報國劍已折。歸鄉身幸全。單于古臺下。邊色寒蒼然。



落日更蕭條。北風動枯草。將軍追虜騎。夜失陰山道。戰敗仍樹勳。韓彭但空老。  
草枯一作秋草秋塞上。望見漁陽郭。胡馬嘶一聲。漢兵淚雙落。誰爲吮瘡者。此事令人薄。

龍門八詠

闕口

秋山日一作向搖落。秋水急波瀾。獨見魚龍氣。長令煙雨寒。誰窮造化力。空向兩崖看。

水東渡

山葉傍崖赤。千峰秋色多。夜泉發清響。寒渚生微波。稍見沙上月。歸人爭渡河。

福公塔

寂寞對伊水。經行長未還。東流自朝暮。千載空雲山。誰見白鷗鳥。無心洲渚間。

遠公龕

松路向精舍。花龕歸老僧。閑雲隨錫杖。落日低金繩。入夜翠微裏。千峰明一燈。

石樓

隱隱見花開。隔河映青林。水田秋雁下。山寺夜鐘深。寂寞羣動息。風泉清道心。

下山

誰識往來意。孤雲長自閑。風寒未渡水。日暮更看山。木落衆峰出。龍宮蒼翠間。

水西渡一作西渡水

伊水搖鏡光。纖鱗如不隔。千龕道傍古。一鳥沙上白。何事還一作閑山雲一作寒能留向城客。

渡水

日暮下山來。千里暮鐘發。不知波上棹。還弄山中月。伊水連白雲。東南遠明滅。

月下聽砧

夜靜掩寒城。清砧發何處。聲聲擣秋月。腸斷盧龍戍。未得一作有寄征人。愁霜復愁露。

送邱爲赴上都一作送皇甫曾

帝鄉何處是。歧路空垂泣。楚思一作客愁暮多。川程一作長帶潮急。潮歸人不歸。獨向空一作迴塘立。

題大理黃主簿湖上高齋

閉門湖水畔。自與白鷗親。竟日窗中岫。終年林下人。俗輕儒服弊。家厭法官貧。多雨茅簷夜。空洲草徑春。桃源君莫愛。且作漢朝臣。

平蕃曲三首

吹角報蕃營。迴軍欲洗兵。已教青海外。自築漢家城。

渺渺戍煙孤。茫茫塞草枯。隴頭那用閉。萬里不防胡。  
絕漠大軍還。平沙獨戍閑。空留一片石。萬古在燕山。

送鄭說之歙州謁薛侍郎

一作薛能郎中

漂泊來千里。謳謠滿百城。漢家尊太守。魯國重諸生。俗變人難理。江低一作流水至清。船經危石住。一作往路入亂山行。老得滄洲趣。春傷白首情。嘗聞馬南郡。門下有康成。

題獨孤使君

一作常州湖上新亭

出樹倚朱闌。吹鏡引上官。老農持鋤拜。時稼捲簾看。水對登龍淨。山當建隼寒。夕陽湖草動。秋色渚田寬。渤海人無事。荊州客獨安。謝公何足比。來往石門難。

酬滁州李十六使君見贈

李公與予俱於陽羨山中新營別墅以其同志因有此作

滿鏡悲華髮。空山寄此君。白雲家自有。黃卷業長貧。嬾任垂竿老。狂因釀黍春。桃花迷聖代。桂樹狎幽人。幢蓋方臨郡。柴荆忝作鄰。但愁千騎至。石路卻生塵。

送嚴維赴河南充嚴中丞幕府

久別耶溪客。來乘使者軒。用才榮入幕。扶病喜同樽。山屐留何處。江帆去獨翻。暮情辭鏡水。秋夢識雲門。蓮府開花萼。桃園寄子孫。何當舉嚴助。徧沐漢朝恩。

附嚴維贈別

早見登郎署。同時迹下僚。幾年江路永。今日國門遙。文變騷人體。官移漢帝朝。望山吟度日。接枕話通宵。萬里趨公府。孤帆恨信潮。匡時知己老。望代恥逃堯。

酬包諫議佶見寄之什

佐郡媿頑疎。殊方親里閭。家貧寒未度。身老歲將除。過雪山僧至。依陽野客舒。藥陳隨遠宦。梅發對幽居。落日棲鴉鳥。行人遺一作鯉魚。高文不可和。空媿學相如。

附包佶嶺下臥疾寄劉員外

唯有貧將病。能令親愛疏。歲時供放逐。身世付空虛。脛弱秋添絮。頭風曉廢梳。波瀾喧衆口。藜藿靜吾廬。喪馬思開卦。占鴉懶發書。十年江海隔。離恨子知予。

棲霞寺東峰尋南齊明徵君故居

山人今不見。山鳥自相從。長嘯辭明主。終身臥此峰。泉源通石徑。礪戶掩塵容。古墓依寒草。前朝寄老松。片雲生斷壁。萬壑徧疎鐘。惆悵空歸去。猶疑林下逢。

奉和趙給事使君留贈李婺州舍人兼謝舍人別駕之什

便道訪情親。東方千騎塵。禁深分直夜。地遠獨行春。絳闕辭明主。滄洲識近臣。雲山隨候吏。雞犬逐歸人。

庭顧婆娑老。邦傳蔽芾新。元暉翻佐理。聞到郡齋頻。

行營酬呂侍御。時尙書問罪襄陽軍。次漢東境上。侍御以州鄰寇賊。復有水火。迫於征稅。詩以見諭。不敢淮南臥。來趨漢將營。受辭瞻左鉞。扶疾往前旌。井稅鶉衣樂。壺漿鶴髮迎。水歸餘斷岸。烽至掩孤城。晚日歸千騎。秋風合五兵。孔璋才素健。早晚檄書成。

登遷一作仁樓酬子壻李穆

臨風敞麗譙。落日聽吹簫。歸路空迴首。新章已在腰。非才受官謗。無政作人謠。儉歲安三戶。餘年寄六條。春蕪生楚國。古樹過隋朝。賴有東牀客。池塘免寂寥。

附李穆三月三日寒食。從劉八丈使君登遷仁樓眺望。

從公無小大。在伴樂人賢。楚國逢荒歲。隨人若有年。空波交水埽。重岫夾畚田。桑柘溫風輒。雲霞返照鮮。因高寺刹迴。臨遠郡樓偏。花柳清明節。親賓上巳筵。故鄉徒有路。春雁獨歸邊。幸望山陰客。爲文內史前。

別李氏女子

念爾嫁猶近。稚年那別親。臨歧方教誨。所貴和六姻。俛首戴荆釵。欲拜淒且嘸。本來儒家子。莫恥梁鴻貧。漢川苦可涉。水清石磷磷。天涯遠鄉婦。月下孤舟人。

長沙早春雪後臨湘水呈同遊諸子

汀洲暖漸綠。煙景淡相和。舉目方如此。歸心豈奈何。日華浮野雪。春色染湘波。北渚生芳草。東風變舊柯。江山古思遠。猿鳥暮情多。君問漁人意。滄浪自有歌。

自道林寺西入石路至麓山寺過法崇禪師故居

山僧候谷口。石路拂<sub>一作</sub>莓苔。深入泉源去。遙從樹杪回。香隨青竊散。鐘過白雲來。野雪空齋掩。山風古殿開。桂寒知自發。松老問誰栽。惆悵湘江水。何人更渡杯。

和袁郎中破賊後軍行過剡中山水謹上太尉<sub>即李光弼</sub>

剡路除荆棘。王師罷鼓鼙。農歸滄海畔。圍解赤城西。赦罪春陽發。收兵太白低。遠峰來馬首。橫笛入猿啼。蘭渚催新幄。桃源識故蹊。已聞開閣待。誰許臥東溪。

送鄭十二<sub>一作山人</sub>還廬山別業

潯陽數畝宅。歸臥掩柴關。谷口何人待。<sub>一作在</sub>門前秋草閑。忘<sub>一作無</sub>機賣藥罷。無語<sub>一作揮手</sub>杖藜還。舊筍成寒竹。空齋向暮山。水流經<sub>一作過</sub>舍下。雲去<sub>一作起</sub>到人間。桂樹花應發。因行寄一攀。

至饒州尋陶十七不在寄贈

謫宦投東道。逢君已北轅。孤蓬向何處。五柳不開門。去國空迴首。懷賢欲訴冤。梅枝橫嶺嶠。竹路過湘源。

月下高秋雁。天南獨夜猿。離心與流水。萬里共朝昏。

奉陪鄭中丞自宣州解印與諸姪宴餘干後溪

迹遠

一作心意

親魚鳥。功成厭鼓鼙。林中阮生集。

一作阮家醉

池上謝公題。

戶牖垂藤合。藩籬插槿齊。

一本

無此二句

一作門徑蒼苔合。窗陰綠

夕陽山向背。

一作

草水東西度。

雨諸峰出。

看花幾路迷。

一作看竹

原處迷

何勞問秦漢。更入武陵溪。

後四句一本作舊架懸藤老。疎籬插槿。齊風塵不可到。誰獎武陵溪。摩一作煙。

# 劉隨州詩集卷五

## 同諸公袁郎中宴筵喜加章服

手詔來筵上。腰金向粉闌。勳名傳舊開。蹈舞著新衣。白社同遊在。滄洲此會稀。寒笳發後殿。秋草送西歸。  
世難常摧敵。時閑已息機。魯連功可讓。千載一相揮。一作輝

## 毘陵送鄒結一作紹先赴河南充判官

王事相逢少。雲山奈別何。芳年臨水怨。瓜步上潮過。客路方經楚。鄉心共渡河。彫殘春草在。離亂故城多。  
罷戰逢時泰。輕徭佇俗和。東西此分手。惆悵恨煙波。

## 送徐大夫赴廣州

上將壇場拜。南荒羽檄招。遠人來百越。元老事三朝。霧繞龍山暗。山連象郡一作嶺遙。路分江淼淼。軍動馬蕭蕭。畫角知秋氣。樓船逐暮潮。當令輸貢賦。一作職不使外夷驕。

## 九日題蔡國公主樓

主第人何在。重陽客暫尋。水餘龍鏡色。雲罷鳳簫音。暗牖藏昏曉。一作旦蒼苔換古今。晴山卷幔出。秋草閉門深。籬菊仍新吐。庭槐尙舊陰。年年畫梁燕。來去豈無心。



送荀八過山陰

訪一作

舊縣

任一作

兼寄剡中諸官

訪舊山陰縣。扁舟到海涯。故林嗟滿歲。春草憶佳期。晚景千峰亂。晴江一鳥遲。桂香留客處。楓暗泊舟時。

舊石曹娥冢。空山夏禹祠。

禹帝一作

剡溪多隱吏。

君去

爲一作

道相

長一作

思

奉餞元侍郎加豫章採訪兼賜章服

時初停節度

任重兼烏府。時平偃豹韜。澄清湘水變。分別楚山高。花對彤襜發。霜和白雪操。黃金裝舊馬。青草換新袍。嶺暗猿啼月。江寒鷺映濤。豫章生字下。無使翳蓬蒿。

奉餞郎中四兄罷餘杭太守承恩加侍御史充行軍司馬赴汝南行營

星使三江上。天波萬里通。權分金節重。恩借鐵冠雄。梅吹前軍發。棠陰舊府空。殘春錦障外。初日羽旗東。岸柳遮浮鷁。江花隔避驄。離心在何處。芳草滿吳宮。

送賈侍御克復後入京

一作江南送賈侍御入京

對酒心不樂。見君動行舟。回看暮帆隱。獨向空江愁。晴雲淡初夜。春塘深漫流。溫顏風霜霽。喜氣煙塵收。馳驅數千里。朝天十二樓。因之一作報親愛。白髮生滄洲。

會稽王處士草堂畫衡霍諸山

粉壁

一作

愛此衡霍近

羣峰

一作

如可攀

能令堂上客

見盡湖

一作

南山

青翠數千仞

一作

飛來方丈間

歸

萬狀

歸

歸

歸

歸

雲無處滅。去鳥何時還。勝事日相對。主人常獨閑。稍看林壑晚。一作青陰佳氣生重關。一本此下有頗與

句 顏二

惠福寺與陳留諸官茶會得四

到此機事遣。自嫌塵網迷。因知萬法幻。盡與浮雲齊。疎竹映高枕。空花隨杖藜。香飄諸天外。日隱雙林西。  
傲一作微 東方見狎。真僧幸相攜。能令歸客意。不復還東溪。

金陵西泊舟臨江樓

蕭條金陵郭。舊是帝王州。日暮望鄉處。雲邊江樹秋。楚雲不可託。楚水只堪愁。行客千萬里。滄波朝暮流。  
迢迢洛陽夢。獨臥清川樓。異鄉共如此。孤帆難久遊。

題靈祐上人法華院木蘭花其樹嶺南移植此地

庭種南中樹。年華幾度新。已依初地長。獨發舊園春。映日成華蓋。搖風散錦茵。色空榮落處。香醉往來人。  
茵茵千燈徧。芳菲一雨均。高柯儻爲楫。渡海有良因。

宿嚴維宅送包佶一作皇甫舟詩

江湖同避地。分首自依依。盡室今爲客。驚秋空念歸。歲儲無別墅。寒服羨鄰機。草色村橋晚。蟬聲江樹稀。  
夜深宜共醉。時難忍相違。何事隨陽雁。汀洲忽背飛。

送從弟貶袁州

一作皇甫冉詩題作送從弟豫貶遠州

何事成遷客。思歸不見鄉。遊吳經萬里。弔屈向三湘。水與荆巫接。山通鄢郢長。名羞一作嗟黃綬繫。身是白眉郎。獨結南枝恨。應思北雁行。憂來沽楚酒。老鬢莫凝霜。

無錫東郭送友人遊越

客路風霜曉。郊原春興餘。平蕪不可望。遊子去何如。煙水乘湖闊。雲山適越初。舊都懷作賦。古穴覓藏書。碑缺曹娥宅。林荒逸少居。江湖無限意。非獨爲樵漁。

送邵州判官往南

一作皇甫冉詩

看君發原隰。駟牡志一作去。皇皇始罷滄江令。還隨粉署郎。海沂軍未息。河竟歲仍荒。征稅人全少。榛蕪虜近亡。新知行宋遠。相望隔淮長。早晚裁書寄。銀鈎佇八行。

出豐縣界寄韓明府

迴首古原上。未能辭舊鄉。西風收暮雨。隱隱分芒碭。賢友此爲邑。令名滿徐方。音容想在眼。暫若升琴堂。疲馬顧春草。行人看夕陽。自非傳尺素。誰爲論中腸。

別陳留諸官

一作公

戀此東道主。能令西上遲。徘徊暮郊別。惆悵秋風時。上國遠千里。夷門難再期。行人望落日。歸馬嘶空陂。

不愧寶刀贈。維懷瓊樹枝。音塵儻未接。夢寐徒相思。

觀李湊一作湊所畫美人障子

愛爾含天姿。丹青有殊智。無間已得象。象外更生意。西子不可見。千載無重還。空令浣沙態。猶在含毫間。一笑豈易得。雙蛾如有情。窗風不舉袖。但覺羅衣輕。華堂翠幕春風來。內閣金屏曙色開。此中一見亂人目。一作眼。只疑行到雲。一作行雨到。陽臺。洪邁取末四句作絕句。

送史判官奏事之靈武兼寄巴西親故

中州日紛梗。天地何時泰。獨有西歸心。遙懸夕陽外。故人奉章奏。此去論利害。陽雁南渡江。征驂去相背。因君欲寄遠。何處問親愛。空使滄洲人。相思減衣帶。

自鄱陽還道中寄褚徵君

南風日夜起。萬里孤帆漾。元氣連洞庭。夕陽落波上。故人煙水隔。復此遙相望。江信久寂寥。楚雲獨惆悵。愛君清川口。弄月時擢唱。白首無子孫。一生自疎曠。

石梁湖有寄一作陸兼

故人千里道。滄波一作年別。夜上明月樓。相思楚天闊。瀟瀟清秋暮。嫋嫋涼風發。湖色淡不流。沙鷗遠還滅。煙波日已遠。音問日已絕。歲晏空含情。江皋綠芳歇。

送沈少府之任淮南

惜君滯南楚。枳棘徒棲鳳。獨與千里帆。春風遠相送。此行山水好。時物亦應衆。一鳥飛長淮。百花滿雲夢。相期丹霄路。遙聽清風頌。勿爲州縣卑。時來自爲用。

嚴子瀨東送馬處直歸蘇州字

一本有州字

望君舟已遠。落日潮未退。目送滄海帆。人行白雲外。江中遠回首。波上生微靄。秋色姑蘇臺。寒流子陵瀨。相送苦易散。動別知難會。從此日相思。空令減衣帶。

宿懷仁縣南湖寄東海荀處士

向夕斂微雨。晴開湖上天。離人正惆悵。新月愁嬋娟。佇立白沙曲。相思滄海邊。浮雲自來去。此意誰能傳。一水不相見。千峰隨客船。寒塘起孤雁。夜色分鹽田。時復一延首。憶君如眼前。

北遊酬孟雲卿見寄

忽忽忘前事。事願能相乖。衣馬日羸弊。誰辨行與才。善道居貧賤。潔服蒙塵埃。行行無定止。懷坎難歸來。慈母憂疾疹。室家念棲萊。幸君夙姻親。深見中外懷。俟子惜時節。悵望臨高臺。

初至洞庭懷瀟陵別業

長安邈千里。日夕懷雙闕。已是洞庭人。猶看瀟陵月。誰堪去鄉意。親戚想天末。昨夜夢中歸。煙波覺來闊。

江皋見芳草。孤客心欲絕。豈訝青春來。但傷經時別。長天不可望。鳥與浮雲沒。

題蕭郎中開元寺新構幽寂亭

康樂愛山水。賞心千載同。結茅依翠微。伐木開蒙籠。孤峰倚青霄。一徑去不窮。候客石苔上。禮僧雲樹中。曠然見滄洲。自遠來清風。五馬留谷口。雙旌薄煙虹。沈沈衆香積。眇眇諸天空。獨往應未遂。蒼生思謝公。

同姜濬題裴式微餘干東齋

世事衆成夢。生涯欲半過。白雲心已矣。滄海意如何。藜杖全吾道。榴花養太和。春風騎馬醉。江月釣魚歌。散帙看蟲蠹。開門見雀羅。遠山終日在。芳草傍人多。吏體莊生傲。方言楚俗譌。屈平君莫弔。腸斷洞庭波。

贈元容州

擁旌臨合浦。上印臥長沙。海徼長無戍。湘山獨種畬。政傳通歲貢。才惜過年華。萬里依孤劍。千峰寄一家。累徵期旦暮。未起戀煙霞。避世歌芝草。休官醉菊花。舊遊如夢裏。此別是天涯。何事滄波上。漂漂逐海槎。

夏口送長甯楊明府歸荆南因寄幕府諸公

關西楊太尉。千載德猶聞。白日俱終老。清風獨至君。身承遠祖遺。一作後才出衆人羣。舉世貪荆玉。全家戀楚雲。向煙帆杳杳。臨水葉紛紛。草覆昭邱綠。江從夏口分。高名光盛府。異姓寵殊勳。百越今無事。南征欲罷軍。

奉和杜相公新移長興宅呈元相公

間世生賢宰。同心奉至尊。功高開北第。機靜灌中園。入並蟬冠影。歸分騎士喧。窗聞漢宮漏。家識杜陵源。獻替常焚藁。優一作清閑獨對萱。花香逐荀令。草色對王孫。有地先開闢。何人不掃門。江湖難自退。明主託元元。

湖南使還留辭辛大夫

王師勞近甸。兵食仰諸侯。天子無南顧。元勳在上游。大才生間氣。盛業拯橫流。風景隨搖筆。山川入運籌。羽觴交餞席。旄節對歸舟。鶯識春深恨。猿知日去愁。別離花寂寂。南北水悠悠。唯有家兼一作將國。終身共一作實所憂。

泛曲阿後湖簡同遊諸公

元氣浮積水。沈沈深不流。春風萬頃綠。映帶至徐州。爲客難適意。逢君方暫遊。蚤緣白蘋際。日暮滄浪舟。渡口微月進。林西殘雨收。水雲去仍溼。沙鶴鳴相留。且習子陵隱。能忘生事憂。此中深有意。非爲釣魚鉤。冬夜宿揚州開元寺烈公房送李侍御之江東

遷客投百越。窮陰淮海凝。中原馳困獸。萬里棲飢鷹。寂寂連一作蓮宇下。愛君心自宏。空堂來霜氣。永夜清明燈。發後望煙水。相思勞寢興。暮帆背楚郭。江色浮金陵。此去爾何恨。近名予未能。鑪峰若便道。爲訪東

林僧。

南楚懷古

南國久蕪沒。一作我來一作空鬱陶。君看章華宮。處處生蓬蒿。一作黃。但見陵與谷。豈知賢與豪。精魂託古木。寶劍捐江皋。倚棹下晴景。回舟隨晚濤。碧雲暮寥落。湖上秋青。一作天高。往事那堪問。此心徒自勞。獨餘湘水上。千載聞離騷。

上湖田館南樓憶朱晏

漂泊日復日。洞庭今更秋。白雲如有意。萬里望孤舟。何事愛成別。空令登此樓。天光映波動。月影隨江流。鶴唳靜寒渚。猿啼深夜洲。歸期誠已促。清景仍相留。頃者慕獨往。爾來悲遠遊。風波自此去。桂水空離憂。

送姚八之句容舊任便歸江南一作送姚八歸江南

故人還水國。春色動離憂。碧草千萬里。滄江朝暮流。桃花迷舊路。萍葉蕩歸舟。遠戍看京口。空城問石頭。折芳佳麗地。望月西南樓。猿鳥共孤嶼。煙波連數州。誰家過楚老。何處戀江鷗。尺素能相報。湖山若箇憂。

睢陽贈李司倉

白露變時候。葢聲暮啾啾。飄飄洛陽客。惆悵梁園秋。只爲乏生計。爾來成遠遊。一身不家食。萬事從人求。且喜接餘論。足堪資小留。寒城落日後。砧杵令人愁。歸路歲時盡。長河朝夕流。非君深意願。誰復能相憂。



杪秋洞庭中懷亡道士謝太虛

漂泊日復日。洞庭今更秋。青楓亦何意。此夜催人愁。惆悵客中月。徘徊江上樓。心知楚天遠。目送滄波一作浪。羽客久已歿。微言無處求。空餘白雲在。容與隨孤舟。千里杳難望。一身當獨遊。故園復何許。江海徒

一作遲留。

同郭參謀詠崔僕射淮南節度使廳前竹一作和郭參謀詠

昔種梁王苑。今移漢將壇。一作不學媚清關能依上將壇蒙籠一作朦朧低冕過。青翠一作荷捲簾看。得地移根遠。經霜抱節難。

開花成鳳實。嫩筍長魚竿。藹藹軍容靜。蕭蕭郡宇寬。細音和角暮。一作響疎影上門寒。湘浦何年變。一作阮

在山陽一作梁園幾處殘。不知一作空餘軒屏側。歲晚對袁一作伴安。

硤石遇雨宴前主簿從兄子英宅

縣城蒼翠裏。客路兩崖開。硤石雲漠漠。東風吹雨來。吾兄此為吏。薄宦知無媒。方寸抱秦鏡。聲名傳楚材。折腰五斗間。僂俛隨塵埃。秩滿少餘俸。家貧仍散財。誰言次東道。暫預傾金壘。雖欲少留此。其如歸限催。

江中晚釣寄荆南一二相識一作西江雨後憶荆南諒公

楚郭一作隨楚微雨收。荆門遙看。在日漾舟水雲裏。日暮春江一作江山綠。霽華靜洲渚。溟一作夜色連松一作

杉。竹月出波上時。人歸渡頭宿。一身已無累。萬事更何欲。漁父自夷猶。一作貧綠白鷗不羈束。既憐滄浪水。復

更一作愛滄浪曲。不見眼中人。相思心斷續。一作垂釣看世。人那知此生足。

九日岳陽待黃遂張渙

別君頗已久。離念與時積。楚水空一作浮煙。江樓望歸客。徘徊正佇想。髮髯如暫覲。心目徒自親。風波尙相隔。青林泊舟處。猿鳥愁孤驛。遙見郭外山。蒼然雨中夕。季鷹久疎曠。叔度早疇昔。反糴來何遲。黃花候君摘。



# 劉隨州詩集卷六

題王少府堯山隱處簡陸鄱陽

故人滄洲吏，深與世情薄。解印二十年，委身在邱壑。買田楚山下，妻子自耕鑿。羣動心有營，孤雲本無著。因收谿上釣，遂接林中酌。對酒春日長，山村杏花落。陸生鄱陽令，獨步建溪作。早晚休此官，隨君永棲託。

晚次湖口有懷

靄然空水合，目極平江暮。南望天無涯，孤帆落何處。頃爲衡湘客，頗見湖山一作湖趣。朝氣和楚雲，夕陽映江樹。帝鄉勞想望，萬里心來去。白髮生扁舟，滄波滿歸路。秋風今已至，日夜雁南度。木葉辭洞庭，紛紛落無一作不知數。

陪元侍御一作郎遊支硎山寺

支公去已久，寂寞龍華會。古木閉空山，蒼然暮相對。林巒非一狀，水石有餘態。密竹藏晦明，羣峯爭向背。峯峯帶落日，步步入青靄。香氣空翠中，猿聲暮雲外。留連南臺客，想像西方內。因逐溪水還，觀心兩無礙。

桂陽西洲晚泊古橋村住一作人

洛陽別離久，江上心可得。惆悵增暮情，瀟湘復秋色。故山隔何處，落日羨歸翼。滄海空自流，白鷗不相識。

悲葦滿荆渚。輟櫂徒沾臆。行客念寒衣。主人愁夜織。帝鄉片雲去。遙寄千里憶。南路隨天長。征帆杳無極。

夕次檐

一作

石湖夢洛陽親故

天涯望不盡。日暮愁獨去。萬里雲海空。孤帆向何處。寄身煙波裏。頗得湖山趣。江氣和楚雲。秋聲亂楓樹。如何異鄉縣。日復懷親故。遙與洛陽人。相逢夢中路。不堪明月裏。更值清秋暮。倚棹對滄波。歸心共誰語。

按覆後歸睦州贈苗侍御

地遠心難達。天高謗易成。羊腸留覆轍。虎口脫餘生。直氏偷金枉。于家決獄明。一言知己重。片議殺身輕。日下人誰憶。天涯客獨行。年光銷蹇步。秋氣入衰情。建德知何在。長江問去程。孤舟百口渡。萬里一猿聲。落日開鄉路。空山向郡城。豈令冤氣積。千古在長平。

奉寄婺州李使君舍人

建隼罷鳴珂。初傳來暮歌。漁樵識太古。草樹得陽和。東道諸生從。南依遠客過。天清婺女出。土厚絳人多。永日空相望。流年復幾何。崖開當夕照。葉去逐寒波。眼暗經難受。身閑劍懶磨。似鴉一作占賈誼。上馬試廉頗。窮分安藜藿。衰容勝薜蘿。只應隨越鳥。南竄託高柯。

哭魏兼遂

公及婦妻幼子與僮數人相次亡歿葬於丹陽

古今俱此去。脩短竟誰分。樽酒空如在。絃琴肯重聞。一門同逝水。萬事共浮雲。舊館何人宅。空山遠客墳。

艱危貧且共。少小秀而文。獨行依窮巷。全身出亂軍。歲時長寂寞。煙月自氛一作氣。氲壠樹隨人。古山門對日曛。汎舟悲向子。留劍贈徐君。來去雲陽路。傷心江水濱。

負謫後登千越亭作

天南一作南天愁望絕。亭上柳條新。落日獨歸鳥。孤舟何處人。生涯投越嶺一作嶺。微世業陷胡一作邊。塵杳杏鍾陵暮。悠悠鄱水春。一作江入千峰。暮花連百越春。秦臺悲一作憐。白首楚澤水。怨青蘋。草色迷征路。鶯聲傷一作傍。逐臣一本無此。四獨醒空一作翻。取笑直道不容身。得罪風霜苦。全生天地仁。青山數行淚。滄海一窮鱗。牢落機心盡。惟憐鷗鳥親。一作流落誰相識。空將鷗鷺親。

留題李明府雪溪水堂

寥寥一作寂寂。此堂上。幽意復誰論。落日無王事。青山在縣門。雲峯向高枕。漁釣入前軒。晚竹疎簾影。春苔一作苔。雙履痕。荷香隨坐臥。湖色映晨昏。虛牖閑生白。鳴琴靜對言。暮禽飛上下。春水一作草。帶清渾。遠岸誰家柳。孤煙何處村。謫居投瘴癘。離思過湘沅。從此扁舟去。誰堪江浦猿。

入白沙渚黃緣二十五里至石窟山下懷天台陸山人

遠嶼一作濟。霧將夕。玩幽行自遲。歸人不計日。流水閑相隨。輟櫂一作石。崖口捫蘿春景遲。偶因回舟次。甯與前山期。對此瑤草色。懷君瓊樹枝。浮雲去寂寞。白鳥相因依。何事愛高隱。但令勞遠思。窮年臥海嶠。永

望愁天涯。吾亦從此一作君去。扁舟何所之。迢迢江上帆。千里東風吹。

禪智寺上方懷演和尚寺卽和尚所創

絕巘東林寺。高僧惠遠公。買園隋苑下。持一作捧鉢楚城中。斗極千燈近。煙波萬井通。遠山低月殿。寒木露

花宮。紺宇一作燒焚一作香淨。滄洲擺一作罷霧空。雁來秋色裏。曙起早潮東。飛錫今何在。蒼生待發蒙。白雲翻送

客。庭樹一作黃葉自辭風。捨筏追開士。迴舟狎釣翁。平生江海意。惟共白鷗同。

賈侍郎一作御自會稽使迴篇什盈卷兼蒙見寄一首與余有挂冠之期因書數事率成十韻。

江上逢星使。南來自會稽。驚年一葉落。按俗五花嘶。上國悲蕪梗。中原動鼓鼙。報恩看鐵劍。銜命出金閨。風物催歸緒。雲峯發詠題。天長百越外。潮上小江西。鳥道通閩嶺。山光落剡溪。暮帆千里思。秋夜一猿啼。柏樹榮新壠。桃源憶故蹊。若能爲休去。一作若爲能去此行復草萋萋。

秋日夏口涉漢陽獻李相公

日望衡門處。心知漢水濱。偶乘青雀舫。還在白鷗羣。閒氣生靈秀。先朝翼戴勳。藏弓身已退。焚藁事難聞。舊業成青草。全家寄白雲。松蘿長稚子。風景逐新文。山帶寒城出。江依古岸分。楚歌悲遠客。羌笛怨孤軍。鼎罷調梅久。門看種藥勤。十年猶去國。黃葉又紛紛。

歸沛縣道中晚泊留侯城

訪古此城下。子房安在哉。白雲去不反。危堞空崔嵬。伊昔楚漢時。頗聞經濟才。運籌風塵下。能使天地開。蔓草日已積。長松日已摧。功名滿青史。祠廟唯蒼苔。百里暮程遠。孤舟川上迴。進帆東風便。轉岸前山來。楚水澹相引。沙鷗閑不猜。扣舷從此去。延首仍裴回。

### 關門望華山

客路瞻太華。三峯高際天。夏雲亘百里。合沓遙相連。雷雨飛半腹。太陽在其巔。翠微關上近。瀑布林梢懸。愛此衆容秀。能令西望偏。徘徊忘暝色。泱泱成陰煙。曾是朝百靈。亦聞會羣仙。瓊漿豈易挹。毛女非空傳。髣髴仍佇想。幽期如眼前。金天有青一作清廟。松柏隱蒼然。

### 奉陪蕭使君入鮑達洞尋靈山寺

山居秋更鮮。秋江相映碧。獨臨滄洲路。如待挂帆客。遂使康樂侯。披榛著雙屐。入雲開嶺道。永日尋泉脉。古寺隱青冥。空中寒磬夕。蒼苔絕行徑。飛鳥無去迹。樹杪下歸人。水聲過幽石。任情趣逾遠。移步奇屢易。蘿木靜蒙蒙。風煙深寂寂。徘徊未能去。畏共桃源隔。

### 孫權故城下懷古兼送友人歸建業

雄圖爭割據。神器終不守。上下武昌城。長江竟何有。古來壯臺榭。事往悲陵阜。寥落幾家人。猶依數株柳。威靈絕想像。蕪沒空林藪。野徑春草中。郊扉夕陽後。逢君從此去。背楚方東走。煙際指金陵。潮時過溢口。



行人已何在。臨水徒揮手。惆悵不能歸。孤帆沒雲久。

宿雙峯寺寄盧七李十六

寥寥禪誦處。滿室蟲絲結。獨與山中人。無心生復滅。徘徊雙峯下。惆悵雙峯月。杳杳暮爔深。蒼蒼古松列。玩奇不可盡。漸遠更幽絕。林暗僧獨歸。石寒泉且咽。竹房響輕吹。蘿徑陰餘雪。臥澗曉何遲。背巖春未發。此遊誠多趣。獨往共誰閱。得意空自歸。非君豈能說。

京口懷洛陽舊居兼寄廣陵二三知己

川闊悲無梁。藹然滄波夕。天涯一飛鳥。日暮南徐客。氣混京口雲。潮吞海門石。孤帆候風進。夜色帶江白。一水阻佳期。相望空脈脈。那堪歲芳盡。更使春夢積。故國一作園胡塵飛。遠一作故山一作異鄉楚雲隔。家人想何在。庭草爲誰碧。惆悵空傷情。一作往復滄浪有餘遺。一作迹嚴陵七里灘。攜手同所適。

登揚州栖靈一作西巖寺塔

北塔凌空虛。雄觀壓川澤。亭亭楚雲外。千里看不隔。遙對黃金臺。浮輝亂相射。盤梯接元氣。半壁棲夜魄。稍登諸劫盡。若騁排霄一作霜翮。向是滄洲人。已爲青雲客。兩飛千栱霽。日在萬家夕。鳥處高卻低。天涯遠如迫。江流入空翠。海嶠現微碧。向暮期下來。誰堪復行役。

湖上遇鄭田

故人青雲器。何意常窘迫。三五一作十猶布衣。憐君頭已白。誰言此相見。暫得話疇昔。舊業今已無。還鄉返爲客。扁舟伊獨往。斗酒君自適。滄洲一作海不可涯。孤帆去無迹。杯中忽復醉。湖上生月一作新魄。滿江色寒。濛濛水雲夕。風波易迢遞。千里如咫尺。回首人已遙。南看楚天隔。

雨中登沛縣樓贈表兄郭少府

楚澤秋更遠。雲雷有時作。晚陂帶殘雨。白水昏漠漠。佇立收煙氛。洗然靜寥廓。卷簾高樓上。萬里看日落。爲客頻改弦。辭家尙如昨。故山今不見。此鳥那可託。小邑務常閑。吾兄宦何薄。高標青雲器。獨立滄江鶴。惠愛原上情。慙慙邱中諾。何當遂良願。歸臥青山郭。

灞東晚晴簡同行薛棄朱訓

客心豁初霽。霧色暝元灞。西向看夕陽。曠曠映桑柘。二賢誠逸足。千里陪征駕。古樹枳道傍。人煙杜陵下。伊余在羈束。且復隨造化。好道當有心。營生苦無暇。高賢幸茲偶。英達窮王霸。迢遞客王程。裴回主人夜。一薰知異質。片玉誰齊價。同結邱中緣。塵埃自茲謝。

對雨贈濟陰馬少府。考城蔣少府。兼獻成武五兄。南華二兄。

繁雲兼家思。彌望連濟北。日暮微雨中。州城帶秋色。蕭條主人靜。落葉飛不息。鄉夢寒更頻。蟲聲夜相逼。二賢縱橫器。久滯徒勞職。笑語和風騷。雍容事文墨。吾兄卽時彥。前路良未測。秋水百丈清。寒松一枝直。

此心欲引託。誰爲生羽翼。且復頓歸鞍。杯中雪胸臆。

李侍御河北使回至東京相訪

故人南臺秀。夙擅中朝美。擁傳從北來。飛霜日千里。貧居幸相訪。顧我柴門裏。卻訝繡衣人。仍交布衣士。王程遽爾迫。別戀從此始。濁酒未暇斟。清文頗垂示。回瞻驄馬速。但見行塵起。日暮汀洲寒。春風渡流水。草色官道邊。桃花御溝裏。天涯一鳥夕。惆悵知何已。

吳中聞潼關失守因奉寄淮南蕭判官

一一作雁飛吳天。羈人傷暮律。松江風嫋嫋。波上片帆疾。木落姑蘇臺。霜收洞庭橘。蕭條長洲外。唯見寒山出。胡馬嘶秦雲。漢兵亂相失。關中因竊據。天下共憂慄。南楚有瓊枝。相思怨瑤瑟。一身寄滄洲。萬里看白日。赴敵甘負戈。論兵勇投筆。臨風但攘臂。擇木將委質。不如歸遠山。雲臥飯松栗。

哭張員外繼公及夫人相次沒於洪州

慟哭鍾陵下。東流與別離。二星來不返。雙劍沒相隨。獨繼先賢傳。誰刊有道碑。故園荒峴曲。旅櫬寄天涯。白簡曾連拜。滄洲每共思。撫孤憐齒穉。歎逝顧身衰。泉壤成終古。雲山若在時。秋風鄰笛發。寒日寢門悲。世難愁歸路。家貧緩葬期。舊賓傷未散。夕臨咽常遲。自此辭張邵。何由見戴逵。獨聞山吏部。流涕訪孤兒。

登東海龍興寺高頂望海簡演公

胸山壓海口。永望開禪宮。元氣遠相合。太陽生其中。豁然萬里餘。獨爲百川雄。白波走雷電。黑霧藏魚龍。變化非一狀。清明分衆容。煙開秦帝橋。隱隱橫殘虹。蓬島如在眼。羽人那可逢。偶聞真僧言。甚與靜者同。幽意頗相愜。賞心殊未窮。花間午時梵。雲外春山鐘。誰念邊成別。自憐歸所從。他時相憶處。惆悵西南峯。

奉送從兄罷官之淮南

何事浮溟渤。元戎棄鎡錙。漁竿吾道在。鷗鳥世情賒。元髮他鄉換。滄洲此路遐。泝沿隨桂檝。醒醉任松華。離別誰堪道。艱危更可嗟。兵鋒搖海內。生命隔天涯。鐘漏移長樂。衣冠接永嘉。還當拂氛祲。那復臥雲霞。溪路漫岡轉。夕陽歸鳥斜。萬艘江縣郭。一樹海人家。揮袂看朱紱。揚帆指白沙。春風獨迴首。愁思極如麻。

落第贈楊侍御兼拜員外仍充安大夫判官赴范陽

職副旌旄重。才兼識量通。使車遙肅物。邊策遠和戎。擲地金聲著。從軍寶劍雄。官成稽古力。名達濟時功。肅穆烏臺上。雍容粉署中。含香初待漏。持簡舊生風。黠吏偏驚隼。貪夫輒避聰。且知榮已隔。誰謂道仍同。念舊追連茹。謀生任轉蓬。泣連三獻玉。瘡懼再傷弓。戀土函關外。瞻塵一作雲灞水東。他時書一札。猶冀問途窮。

初貶南巴至鄱陽題李嘉祐江亭

巴嶠南行遠。一作南山長江萬里隨。不才甘謫去。流水亦何之。一作知地遠明君棄。一作瘴近天高酷吏欺。

青山獨往路。芳草未歸時。流落還相見。悲懽話所思。猜嫌一作讒傷意改。愁暮向江離。柳色迎高塢。荷衣照

下帷。一本無水雲初起重。暮鳥遠來遲。白首一作淚盡看長劍。滄洲一作心閑寄釣絲。沙鷗驚小吏。湖月上高枝。一本

無此稚子能吳語。新文怨楚辭。憐君不得意。川谷自逶迤。一作容髮

自紫陽觀至華陽洞宿侯尊師草堂簡同遊李延年一作陵

石門一作林媚煙景。句曲盤江甸。南向佳氣濃。數峯遙隱見。漸臨華陽口。雲路入蔥蒨。七曜懸洞宮。五雲抱

仙殿。銀函竟誰發。金液徒堪薦。千載空桃花。秦人深不見。東溪喜相遇。貞白如會面。青鳥來去閑。紅霞朝

夕變。一從換仙骨。萬里乘飛電。蘿月延步虛。松花醉閑宴。幽人卽長往。茂宰應交戰。明發歸琴堂。知君嬾

爲縣。

# 劉隨州詩集卷七

奉使新安自桐廬縣經嚴陵釣臺宿七里灘下寄使院諸公

悠然釣臺下懷古時一望江水自潺湲行人獨惆悵新安從此一作始桂楫方蕩漾回轉百里一作間青

山千萬狀連崖去不斷對嶺遙相向夾岸黛色愁一作沈沈綠波上夕陽留古木水鳥拂寒浪月下扣舷

聲煙中採菱唱猶憐負羈束未暇依清曠牽役徒自勞近名非所向何時故山裏卻醉松花釀回首唯白

雲孤舟復誰訪

## 題武邱寺

青林虎邱寺林際翠微路仰一作見山僧來遙從飛鳥處茲峯淪寶玉千載唯邱墓埋劍人空傳鑿山龍

已去捫蘿披翳蒼路轉夕陽遠虎嘯崖谷寒猿鳴杉一作松暮裴回北樓上江海窮一顧日映千里帆鴉

歸萬家樹整因愜所適果得捐外慮庭暗樓閑雲簷香滴甘露久迷空寂理多爲繁華故永欲投死生餘

生豈能誤

## 奉餞鄭中丞罷浙西節度還京

天上移將星元戎罷龍節三軍含怨慕橫吹聲斷絕五馬嘶城隅萬人臥車轍滄洲浮雲暮杳杳去帆發

回首不問家。歸心遙向闕。煙波限吳楚。日夕事淮越。弔影失所依。側身隨下列。孤蓬飛不定。長劍光未滅。綠綺爲誰彈。綠芳堪自擷。悵然江南春。獨此湖上月。千里懷去思。百憂變華髮。頌聲滿江海。今古流不竭。

送裴四判官赴河西軍試

吏道豈易愜。如君誰與儔。逢時將聘驥。臨事無全牛。鮑叔幸相知。田蘇頗同遊。英資挺孤秀。清論含古流。一作風流出塞佐一作復持簡。辭家擁鳴騶。憲臺貴公舉。幕府資良籌。武士佇明試。皇華難久留。陽關望天盡。洮水令人愁。萬里看一鳥。曠然煙霞收。晚花對古戍。春雪含一作寒邊州。道路難暫隔。音塵那一作仍可求。他時相望處。明月西南樓。

旅次丹陽郡遇康侍御宣慰召募兼別岑單父

客心暮千里。回首煙花繁。楚水渡歸夢。春江連故園。羈人懷上國。驕虜窺中原。胡馬暫爲害。漢臣多負恩。羽書晝夜飛。海一作塞內風塵昏。雙鬢日已白。孤舟心且一作可論。繡衣從此一作北來。汗馬宣王言。憂憤激忠勇。悲歡動黎元。南徐爭赴難。發卒如雲屯。倚劍看太白。洗兵臨海門。故人亦滄洲。少別堪傷魂。積翠下京口。歸潮落山根。如何天外帆。又此一作入此波上尊。空使憶君處。鶯聲催淚痕。

客舍贈別韋九建赴任河南韋十七造赴任鄭縣就便覲省

與子頗疇昔。常時仰英髦。弟兄盡公器。詩賦凌風騷。頃者遊上國。獨能光選曹。香名冠二陸。精鑒逢山濤。

且副倚門望。莫辭趨府勞。桃花照綵服。草色連青袍。征馬臨素澹。離人傾濁醪。華山微雨霽。祠上殘雲高。而我倦棲屑。別君良鬱陶。春風亦未已。旅思空滔滔。拙分甘棄置。窮居長蓬蒿。人生未鷓化。物議如鴻毛。迢遞兩鄉別。殷勤一寶刀。清琴有古調。更向何人操。

送元八遊汝南

元生實奇邁。幸此論疇昔。刀筆素推高。鋒鋟久無敵。縱橫濟時意。跌宕過人蹟。破產供酒錢。盈門皆食客。田園頃失計。資用深相迫。生事誠可憂。嚴裝遠何適。世情薄恩義。俗態輕窮厄。四海金雖多。其如向人惜。迢遞朗陵道。悵望都門夕。向別伊水南。行看楚雲隔。繁蟬動高柳。匹馬嘶平澤。潢潦今正深。陂湖未澄碧。人生不得已。自可甘形役。勿復尊前酒。離居賸悽戚。

奉和李大夫同呂評事太行苦熱行兼寄院中諸公仍呈王員外

迢遞太行路。自古稱險惡。千騎儼欲前。羣峯望如削。火雲從中出。一作起仰視飛鳥落。汗馬臥高原。危旌倚長薄。清風竟一作何不至。赤日方一作何煎鑠。石枯一作露山木焦。鱗窮水泉涸。九重今旰食。萬里傳明略。諸將候軒車。元凶愁鼎鑊。何勞短兵接。自有長纓縛。通越事豈難。渡瀘功未博。朝辭羊腸阪。夕望貝邱郭。漳水斜遶營。常山遙入幕。永懷姑蘇下。遙寄建安作。白雪和難成。滄波意空託。陳琳書記好。王粲從軍樂。早晚歸漢廷。隨公一作君上麟閣。



洛陽主簿叔知和驛承恩赴選伏辭一首

仲父王佐材。屈身仇香位。一從理京劇。萬事皆容易。則知無不可。通變有餘地。器宇溟渤寬。文鋒鏘錫利。憧憧洛陽道。日夕皇華使。二載出江亭。一心奉王事。功成良可錄。道在知無愧。天府留香名。銓闈就明試。賦詩皆舊友。攀轍多新吏。綵服辭高堂。青袍擁征騎。此行季春月。時物正鮮媚。官柳陰相連。桃花色如醉。長安相在目。前路遙髣髴。落日看華山。關門逼青翠。行轡稍已隔。結戀無能慰。誰念尊酒間。裴回竹林意。

題宛句宋少府廳留別

宋侯人之秀。獨步南曹吏。世上無此才。天生一公器。尙甘黃綬屈。未適青雲意。洞澈萬頃陂。昂藏千里驥。從宦聞苦節。應物推高誼。薄俸不自資。傾家共人費。願子倦棲託。終日憂窮匱。開口卽有求。私心豈無愧。幸逢東道主。因輟西征騎。對話堪息機。披文欲忘味。壺觴招過客。几案無留事。綠樹映層城。蒼苔覆閑地。一言重然諾。累夕陪宴慰。何意秋風來。颯然動歸思。留歡殊自愜。去念能爲累。草色愁別時。槐花落行次。臨期仍把手。此會良不易。他日瓊樹枝。相思勞夢寐。

罷攝官後將還舊居留辭李侍御

江海今爲客。風波失所依。白雲心已負。黃綬計仍非。累辱羣公薦。頻霑一尉微。去緣焚玉石。來爲采葑菲。州縣名何在。漁樵事亦違。故山桃李月。初服薜蘿衣。熊軾分朝寄。龍韜解賊圍。風謠傳吏體。雲物助兵威。

白雪飄辭律。青春發禮闈。引軍橫吹動。援翰捷書揮。草映翻營綠。花臨檄羽飛。全吳爭轉戰。狂虜怯知機。憶昨趨金節。臨時廢玉徽。俗流應不厭。靜者或相譏。世難慵干謁。時閑喜放歸。潘郎悲白髮。謝客愛清輝。樽散材因棄。交親迹已稀。獨愁看五柳。無事掩雙扉。世累多行路。生涯向釣磯。榜連溪水碧。家羨渚田肥。旅食傷飄梗。巖棲憶采薇。悠然獨歸去。回首望旌旗。

贈別干一作章羣投筆赴安西

風流一才子。經史仍滿腹。心鏡萬象生。一作全文鋒衆人服。頃遊靈臺下。頻棄荆山玉。蹭蹬空數年。裴回冀微祿。竭來投筆硯。長揖謝親族。且欲圖一作從變通。安能守拘束。本持鄉曲譽。肯料泥塗辱。誰謂命迺遭。還令計反一作身翻覆。西戎今未弭。一作珍胡騎屯山谷。坐恃龍豹韜。全輕蜂蠆毒。拂衣從此去。擁傳一何速。元帥許提攜。他人佇瞻矚。出門寡儔侶。矧乃無僮僕。黠虜時相逢。黃沙暮愁一作無宿。蕭條遠回首。萬里如在目。漢境天西窮。湖山海邊綠。想聞羌笛處。淚盡關山曲。地闊鳥飛遲。風寒馬毛縮。邊愁殊浩蕩。離思空斷續。塞上一作下歸限一作恨歸除。尊前別期促。知君志不小。一舉凌鴻鵠。且願樂從軍。功名在殊俗。

送薛據宰涉縣自永樂主簿涉狀尋復遷受此官

故人河山秀。獨立風神異。人許白眉長。天資青雲器。雄辭變文名。高價喧時議。下筆盈萬言。皆合古人意。一從負能名。數載猶卑位。寶劍誠可用。烹鮮是虛棄。昔聞在河上。高臥自無事。几案終日閑。蒲鞭使人畏。

頃因歲月滿。方謝風塵吏。頌德有輿人。薦賢逢八使。棲鸞往已屈。馴雀今可嗣。此道如不移。雲霄坐應致。縣前漳水綠。郭外晉山翠。日得謝客遊。時堪陶令醉。前期今尚遠。握手空宴慰。驛路疎柳長。春城百花媚。裴回白日隱。暝色含天地。一鳥向灞陵。孤雲送行騎。夫君多述作。而我常諷味。賴有瓊瑤資。能寬別離思。槐陰覆堂殿。苔色上階砌。鳥倦自歸飛。雲閑獨容瀆。既將慕幽絕。兼欲看定慧。遇物忘世緣。還家嬾生計。無生妄已息。有妄心可制。心鏡常虛明。時人自淪翳。

早春贈別趙居士還江左時長卿下第歸嵩陽舊居

見君風塵裏。意出風塵外。自有滄洲期。含情十餘載。深居鳳城曲。一作北日預龍華會。果得一作有僧家緣。能

遺俗人態。一身今已適。萬物知何愛。悟法電已空。看心水無礙。且將窮妙理。兼欲一作亦尋勝概。何獨謝客

遊。當爲遠公輩。放舟馳楚郭。負杖辭秦塞。目送南飛雲。令人想吳會。遙思舊遊處。髣髴疑相對。夜火金陵

城。春煙石頭瀨。滄波極天末。萬里明如帶。一片孤客帆。飄然向青一作殘鶴。楚天合一作舍江氣。雲色常靄

隱。見湖中山。相連數州內。君行意可得。全與時人背。歸路隨楓林。還鄉念蓴菜。願予尙羈束。何幸承眄睐。

素願徒自勤。清機本難逮。累幸忝賓薦。末路逢沙汰。濩落名不成。裴回意空大。逢時雖一作難貴達。守道甘

易退。逆旅鄉夢頻。春風客心碎。別君日已遠。離念無明晦。予亦返柴荆。山田事耕耒。

夜宴洛陽程九主簿宅送楊三山人往天台尋智者禪師隱居

東林問逋客。何處棲幽偏。滿腹萬餘卷。息機三十年。志圖良已久。鬢髮空蒼然。調嘯寄疎曠。形骸如棄捐。本家關西族。別業嵩陽田。雲臥能獨往。山棲幸周旋。垂竿不在魚。賣藥不爲錢。藜杖閑倚壁。松花常醉眠。頃辭青溪隱。來訪赤縣仙。南畝自甘賤。中朝唯愛賢。仍空世諦法。遠結天台緣。魏闕從此去。滄洲知所便。主人瓊枝秀。寵別瑤華篇。落日掃塵榻。春風吹客船。此行頗自適。物外誰能牽。弄棹白蘋裏。挂帆飛鳥邊。落潮見孤嶼。徹底觀澄漣。雁過湖上月。猿聲峯際天。羣峯趨海嶠。千里黛相連。遙倚赤城上。曠曠初日圓。昔聞智公隱。此地常安禪。千載已如夢。一燈今尙傳。雲龕閉遺影。石窟無人煙。古寺暗喬木。春崖鳴細泉。流塵旣寂寞。緬想增嬋娟。山鳥怨庭樹。門人思步蓮。夷猶懷永路。帳望臨清川。漁人來夢裏。沙鷗飛眼前。獨遊豈易愜。羣動多相纏。羨爾五湖夜。往來閑扣舷。

瓜州驛奉餞張侍御公。拜膳部郎中。卻復憲臺。充賀蘭大夫留後使之嶺南。時侍御先在淮南幕府。太華高標峻。青陽淑氣盤。屬辭傾渤海。稱價掩琅玕。楊葉頻推中。芸香早拜官。後來慚轍迹。先達仰門闌。佐劇勞黃綬。提綱疾素餐。風生趨府步。筆偃觸邪冠。骨鯁知難屈。鋒鋟豈易干。佇將調玉鉉。翻自落金丸。異議那容直。專權本畏彈。寸心甯有負。三黜竟無端。適喜鴻私降。旋驚羽檄攢。國憐朝市易。人怨虎狼殘。天地龍初見。風塵虜未殫。隨川歸少海。就日背長安。副相榮分寄。輸忠義不刊。擊胡馳汗馬。遷蜀扈鳴鑾。月罷名卿署。星懸上將壇。三軍搖旆出。百越畫圖觀。茅茹能相引。泥沙肯再蟠。兼榮知任重。交辟許才難。

勁直隨臺柏。芳香動省蘭。璧從全趙去。鵬自北溟搏。星象銜新寵。風霜帶舊寒。是非生倚伏。榮辱繫悲歡。疇昔偏殊眄。屯蒙獨永歎。不才成擁腫。失計似邯鄲。江國傷移律。家山憶考槃。一爲鷗鳥誤。三見露華團。回首青雲裏。應憐濁水瀾。愧將生事託。羞向鬢毛看。知己傷愆素。他人自好丹。鄉春連楚越。旅宿寄風湍。世路東流水。滄江一釣竿。松聲伯禹穴。草色子陵灘。度嶺情何遽。臨流興未闌。梅花分路遠。揚子上潮寬。夢想懷依倚。煙波限渺漫。且愁無去雁。甯冀少回鸞。極浦春帆迥。空郊晚騎單。獨憐南渡月。今夕送歸鞍。

至德三年春正月。時謬蒙差攝海鹽令。聞王師收二京。因書事寄上浙西節度李侍郎中丞行營五

十韻

天上胡星孛。

一作東山

人間反氣橫。風塵生汗馬。河洛縱長鯨。

一作爲

才非據誰知。

一作防

禍已萌。食參將可

待。誅錯軀。爲名。萬里兵鋒接。三時羽檄驚。負恩殊鳥獸。流毒遍黎氓。朝市成蕪沒。干戈起戰爭。人心懸反

覆。一作覆天。道。暫虛盈。略地侵中土。傳烽到上京。王師陷虜魅。帝座逼機槍。渭水嘶胡馬。秦山泣漢兵。關原


馳萬騎。煙火亂千甍。鳳駕瞻西幸。龍樓議一作向北征。自將行破竹。誰學去吹笙。白日重輪慶。元穹再造榮。

鬼神潛釋一作畜。憤夷狄遠輸誠。海內戎衣卷。關中賊壘平。山川隨轉戰。草木困一作助橫行。區宇神功立。謳

歌一作謠。帝業成。天回萬象慶。龍見五雲迎。小苑春猶在。長安日更明。星辰歸正位。一作路雷雨發殘生。文物

登前古。簫韶下太清。未央新柳色。長樂舊鐘聲。八使推邦彥。中司案國程。蒼生屬伊呂。明主仗一作伏韓彭。

兇醜將除蔓。姦豪已負荆。世危看柱石。時難識忠貞。薄伐徵貔虎。長驅擁旆旌。吳山依重鎮。江月帶行營。  
金石懸詞律。煙雲動筆精。運籌初滅竈。調鼎未和羹。北虜傳初解。東人望已傾。池塘催謝客。花木待春卿。  
昔忝登龍首。能傷困驥鳴。艱難悲伏仗一作劍。提握喜懸衡。巴曲誰堪聽。秦臺自有情。遂令辭短褐。仍欲請  
長纓。久客田園廢。初官印綬輕。榛蕪上國路。苔蘚北山楹。嬾慢羞趨府。驅馳憶退耕。榴花無暇醉。蓬髮帶  
愁縈。地僻方言異。身微俗慮累一作并。家憐雙鯉斷。才媿小鱗烹。滄海今猶滯。青陽歲又更。洲香生杜若。谿  
煖一作戲鳩鷓。煙水一作雪。宜春候。襄關一作曉。值晚晴。潮聲來萬井。山色映孤城。旅夢親喬木。歸心亂早鶯。  
儻無知己在。今已訪蓬瀛。



# 劉隨州詩集卷八

尋張逸人山居

危石纔通鳥道空，山更有人家。桃源定在深處，澗水浮來落花。

發越州赴潤州使院留別鮑侍御

對水看山別離，孤舟日暮行遲。江南江北春草獨，向金陵去時。

送陸豐還吳中

一作李嘉祐詩

瓜步寒潮送客楊柳，一作花暮雨沾衣。故山南望何處秋草，連天獨歸。

茗溪酬梁耿別後見寄

一作答秦徵君徐少府春日見集茗溪酬梁耿別後見寄六言

清川永路何極，一作清溪落日初低落日惆悵。孤舟解攜鳥向去，一作平蕪遠近人隨流水東西。白雲千里萬里，明月

前溪後溪。惆悵一作獨恨長沙謫去，江潭芳春。草萋萋。

蛇浦橋下重送嚴維

秋風颯颯鳴條，風月相和寂寥。黃葉一離一別，青山暮暮朝朝。寒江漸出高岸，古木猶依斷橋。明日行人已遠，空餘淚滴回潮。



附嚴維重別

月色今朝最明。庭閑夜久天清。愁盡當年左宦。殷勤遠別深情。溪臨疏竹煙色。風落高梧雨聲。耿耿相看不寐。遙聞曉柝山城。

七里灘重送

秋江渺渺水空波。越客孤舟欲榜歌。手折衰楊悲老大。故人零落已無多。

附嚴維重別

新安非欲枉帆過。海內如今有幾何。醉裏別時秋水色。老人南望欲狂歌。

家園瓜熟是故蕭相公所遺瓜種。悽然感舊。因賦此詩。

事去人亡迹自留。黃花綠蒂不勝愁。誰能更向青門外。秋草茫茫覓故侯。

重送裴郎中貶吉州

猿啼客散暮江頭。人自傷心水自流。同作逐臣君更遠。青山萬里一孤舟。

尋盛禪師蘭若

秋草黃花覆古阡。隔林何處起人煙。山僧獨在山中老。唯有寒松見少年。

寄許尊師

獨上雲梯入翠微。一作濛濛煙雪映巖扉。世人知在中峰裏。遙禮青山恨不歸。

附嚴維發桐廬寄劉員外

處處雲山無盡時。桐廬南望轉參差。舟人莫道新安近。欲上潺湲行自遲。

酬李穆見寄

孤舟相訪至天涯。萬轉雲山路更賒。欲埽柴門迎遠客。青苔黃葉滿貧家。

送王司馬秩滿西歸

漢主一作代何時人。一作放逐臣。江邊幾度送歸人。同官歲歲先辭滿。唯有青山伴老身。

寄別朱拾遺

天書遠召滄浪客。幾度臨歧病未能。江海茫茫春欲遍。行人一騎發金陵。

會赦後酬主簿所問

江南海北長相憶。淺水深山獨掩扉。重見太平身一作人已老。桃源久住不能歸。

贈秦系

向風長嘯戴紗巾。野鶴由來不可親。明日東歸變名姓。五湖煙水覓何人。

酬靈澈公相招

吳興

石磧泉聲久不聞。獨臨長路雪紛紛。如今漸欲生黃髮。願脫頭冠與白雲。

贈崔九載華

憐君一見一悲歌。歲歲無如老去何。白屋漸看秋草沒。青雲莫道故人多。

同崔載華贈日本聘使

憐君異域朝周遠。積水連天何處通。遙指來從初日外。始知更有扶桑東。

送建州陸使君

漢庭初拜建安侯。天子臨軒寄所憂。從此向南無限路。雙旌已去水悠悠。

送秦侍御外甥張篆之福州謁鮑大夫。秦侍御與大夫有舊。

萬里閩中去渺然。孤舟水一作海上入寒煙。轅門拜首儒衣弊。貌似牢之豈不憐。

聞奉迎皇太后使沈判官至。因有此作。太后德宗皇帝母也。安史之亂。失於東都。帝即位。分命使臣周行天下。求訪終不得。

長樂宮人掃落花。君王正候五雲車。萬方臣妾同瞻望。疑在曾城阿母家。

送劉萱之道州謁崔大夫

沅水悠悠湘水春。臨歧南望一沾巾。信陵門下三千客。君到長沙見幾人。

過鄭山人所居

寂寂孤鶯啼杏園。寥寥一犬吠桃源。一作白首深藏谷口村。春山犬吠武陵原。落花芳草無尋處。萬壑千峰獨閉門。

奉送賀若郎中賊退後之杭州

江上初收戰馬塵。鶯聲柳色待行春。雙旌誰道來何暮。萬井如今有幾人。

瓜州驛重送梁郎中赴吉州

渺渺雲山去幾重。依依獨聽廣陵鐘。明朝借問南來客。五馬雙旌何處逢。

奉使鄂渚至烏江道中作

滄洲不復戀魚竿。白髮那堪戴鐵冠。客路向南何處是。蘆花千一作十里雪漫漫。

新息道中作

蕭條獨向汝南行。客路多逢漢騎營。古木蒼蒼離亂後。幾家同住一孤城。

春日宴魏萬成湘水亭

何年家住一作在此江濱。幾度門前北渚春。白髮亂生相顧老。黃鶯自語豈知人。

重送道標上人

衡陽千里去人稀。遙逐孤雲入翠微。春草青青新覆地。深山無路若爲歸。

送李判官之潤州行營

萬里辭家事鼓鼙。金陵驛路楚雲西。江春不肯留歸行。一作客。草色青青送馬蹄。

將赴南巴至餘干別李十二

江上花催問禮人。鄱陽鶯報越鄉春。誰憐此別悲歡異。萬里青山送逐臣。

時平後春日思歸

一尉何曾及布衣。時平卻憶臥柴扉。故園柳色催南客。春水桃花待北歸。

送陶十赴杭州攝掾

莫歎江城一掾卑。滄洲未是阻心期。浙中山色千萬狀。門外潮聲朝暮時。

使還七里瀨上逢薛承規赴江西貶官

遷客歸人醉晚寒。孤舟暫泊子陵灘。憐君更去三千里。落日秋山江上看。

使回赴蘇州道中作

春風何事遠相催。路盡天涯始卻回。萬里無雲空楚水。孤帆送客到魚臺。

昭陽曲

昨夜承恩宿未央。羅衣猶帶御衣香。一作芙蓉帳小雲屏暗。楊柳風多水殿涼。

罪所留繫每夜聞長洲軍笛聲

白日浮雲閉不開。黃沙誰問冶長猜。只憐橫笛關山月。知處愁人夜夜來。

贈徵上人

禪門來往翠微間。萬里千峰在剡一作別山。何時共到天台裏。身與浮雲處處閑。

東湖送朱逸人歸

山色湖光併在東。扁舟歸去有樵風。莫道野人無外事。開田鑿井白雲中。

附朱放留別劉員外

寥落窮秋九月天。風吹白雪起江邊。豈意與君於此別。相看拭淚水潺湲。

舟中送李十八一作送僧

釋子身心無有分。一作紛獨將衣鉢去人羣。相思晚望西林寺。唯有鐘聲出白雲。

送李穆歸淮南

揚州春草新年綠。未去先愁去不歸。淮水問君來早晚。一作無人偏畏過芳菲。

附李穆留辭

南楚迢迢通漢口。西江淼淼去揚州。春風已遣歸心促。縱復芳菲不可留。

送盧侍御赴河北

謫居爲別倍傷情。何事從戎獨遠行。千里按圖收故地。三軍罷戰及春耕。江天渺渺鴻初去。漳水悠悠草欲生。莫學仲連逃海上。田單空愧取聊城。

送子壻崔眞父歸長城

送君卮酒不成權。幼女辭家事伯鸞。桃葉宜人誠可詠。柳花如雪若爲看。心憐稚齒鳴環去。身愧衰顏對玉難。惆悵暮帆何處落。青山無限水漫漫。

送陸豐倉曹西上

長安此去欲何依。先達誰當薦陸機。日下鳳翔雙闕迴。雪中人去一作過。二陵稀。舟從故里難移棹。家住一作在寒塘獨掩扉。臨水自傷流落久。一作居洛久。贈君空有淚霑衣。

送柳使君赴袁州

宜陽出守新恩至。京口因家始願違。五柳閉門高士去。三苗按節遠人歸。月明江路聞猿斷。花暗山城見吏稀。惟有郡一作舊齋窗裏岫。朝朝空對謝元暉。

戲題贈二小男

異鄉流落頻生子。幾許悲歡併在身。欲並老容羞白髮。每看兒戲憶青春。未知門戶誰堪主。且免琴書別與人。何幸暮年方有後。舉家相對卻霑巾。

謫官後臥病官舍簡賀蘭侍郎

一作貶陸州  
祖庸見贈

青春衣繡共稱一作繡宜。白首垂一作髮如絲。恨不遺江上。幾回今夜月。鏡中無復少年時。生還北闕誰相一作將引。老向南邦衆所悲。歲歲任他芳草綠。長沙未有定歸期。

歲日見新歷因寄都官裴郎中

青陽振蟄初頒歷。白首銜冤欲問天。絳老更能經幾歲。賈生何事又三年。愁占蒼草終難決。病對椒花倍自憐。若道平分四時氣。南枝爲底發春偏。

江州重別薛六柳八二員外

生涯豈料承優詔。世事空知學醉歌。江上月明胡雁過。淮南木落楚山多。寄身且喜滄洲近。顧影無如白髮何。今日龍鍾人共棄。媿君猶遣慎風波。

青溪口送人歸岳州

洞庭何處雁南飛。江蘼蒼蒼客去稀。帆帶夕陽千里沒。天連秋水一人歸。黃花裊露開沙岸。白鳥銜魚上釣磯。歧路相逢無可贈。老年空有淚霑衣。

送靈澈上人還越中

禪客無心杖錫還。沃洲深處草堂閑。身隨敝屣一作履經殘雪。手綻寒衣入舊山。獨向青溪依樹下。空留白



日在人間。那堪別後一作夜。長相憶。雲木蒼蒼但閉關。

送耿拾遺歸上都

若爲天畔獨歸秦。對水看山欲暮春。窮海別離無限路。隔河征戰幾歸人。一作征陣獨歸人長安萬里傳雙淚。建德千峰寄一身。想到郵亭愁駐馬。不堪西望見風塵。

和樊使君登潤州城樓

山城迢遞敞高樓。露冕吹鐙居上頭。春草連天隨北望。夕陽浮水共東流。江田漠漠全吳地。野樹蒼蒼故蔣州。王粲尙爲南郡客。別來何一作無處更銷憂。

錢王相公出牧括州

縉雲詎比長沙遠。出牧猶承明主恩。城對寒山開畫戟。路飛秋葉轉朱轡。江潮淼淼連天望。旌旆悠悠上嶺翻。蕭索庭槐空閉閣。舊人誰到翟公門。

題靈祐和尚故居

歎逝翻悲有此身。禪房寂寞見流塵。一作六時行徑空秋草。幾日浮生哭故人。風竹自吟遙入磬。雨花隨淚共霑巾。殘經窗下依然在。憶得山中一作陰問許詢。

尋龍井楊老

柴門草舍絕風塵。空谷耕田學子真。泉咽恐一作勞經隴底。一作客一作地又作坻山深不覺有秦人。手栽松樹蒼蒼老。身臥桃園寂寂春。唯有胡麻當雞黍。白雲來往未嫌貧。

見故人李均所借古鏡。恨其未獲歸府。斯人已亡。愴然有作。

故人留鏡無歸處。今日懷君試暫窺。歲久豈堪塵自入。夜長應待月相隨。空憐瓊樹曾臨匣。猶見菱花獨映池。所恨平生還不早。如今始挂隴頭枝。

聞虞沔州有替將歸上都登漢東城寄贈

淮南搖落客心悲。潁水悠悠怨別離。早雁初辭舊關塞。秋風先入古城池。腰章建隼皇恩賜。露冕臨人白髮垂。惆悵恨一作夫君先我去。漢陽耆老憶旌麾。一作旗



# 劉隨州詩集卷九

獻淮南

一作甯淮

軍節度使李相公

一作淮西將李中  
委又作獻南平王

建牙吹角不聞

一作戰門

喧三十登壇衆所尊家散萬金酬士死

一作死事身留持

一劍答君恩漁陽老將多迴

席魯國諸生半在門白馬翩翩春草細

一作綠

郊原一作少陵西去獵平原

## 觀校獵上淮西相公

龍驤校獵邵陵東野火初燒楚澤空師事黃公千戰

一作載

後身騎白馬萬人中笳隨晚吹吟一作曉邊草

箭沒寒

一作青

雲落塞鴻三十擁旄誰不羨周郎少小立一作有奇功

## 送皇甫曾赴上都

東遊久與故人違西去荒涼舊路微秋草不生三徑處行人獨向五陵歸離心日遠如流水回首川長共

落暉楚客豈勞傷此別滄江欲暮自霑衣

## 送李錄事兄歸襄鄧

十年多難與君同幾處移家逐轉蓬白首相逢征戰後青春已過亂離中行人杳杳看西月歸馬蕭蕭向

北風漢水楚雲千萬里天涯此別恨無窮

漢陽獻李相公

退身高臥楚城幽，獨掩閑門一作雙屏。漢水頭，春草雨中行徑沒。暮山江上捲簾愁，幾人猶憶一作識孫宏。關百口同乘范蠡舟，早晚卻還歸。丞相印，十年空被白雲留。

長沙過賈誼宅

三年謫宦此棲遲，萬古惟留楚客一作國悲。秋草獨漸，尋人去後寒林空。見日斜時，漢文有道恩猶薄。湘水無情弔豈知，寂寂江山搖落處。一作正憐君何事到天涯。

奉酬辛大夫喜湖南臘月連日降雪見示之作

長沙耆舊拜旌麾一作旗，喜見江潭積雪時。柳絮三冬先北地，梅花一夜徧南枝。初開窗閣寒光滿，欲掩軍城暮色遲。閩里何人不相慶，萬家同唱郢中詞。

登餘干古縣城

孤城上與白一作暹雲齊，萬古荒涼一作蕭條楚水西。官舍已空秋草綠，女牆猶在夜烏啼。平江渺渺來人遠，夕一作落日亭亭向客低。沙鳥不知陵谷變，朝飛一作還暮去一作往弋陽溪。

將赴嶺外留題蕭寺遠公院寺即梁朝蕭內史創

竹房遙閉上方幽，苔徑蒼蒼訪昔遊。內史舊山空日暮，南朝古木向人秋。天香月一作夜色同一作空僧室，葉

月一作落後啼傍一作訪客舟。此去播遷明主意，白雲何事欲相留。

初聞貶謫續喜一本無量移登干越亭贈鄭校書

青青草色滿江洲，萬里傷心水自流。越鳥豈一作知南國一作遠，江花獨向北人愁。生涯已逐一作滄浪去，一作冤氣初逢渙汗收。何事還邀遷一作客醉，春風日夜待歸舟。

北歸入至德州界偶逢洛陽鄰家李光宰

生涯心事已蹉跎，舊路依然此重過。近北始知黃葉落，向南空見白雲多。炎州日日人將老，寒渚年年水自波。華髮相逢俱若是，故園秋草復如何。

自江西歸至舊任官舍贈袁贊府時經劉展平後

卻見同官喜復悲，此生何幸有歸期。空庭客至逢搖落，舊邑人稀經亂離。湘路來過迴雁處，江城臥聽擣衣時。南方風土勞君問，賈誼長沙豈不知。

赴南中題一作褚少府湖上亭子一作林亭 一作李嘉祐詩

種田東郭傍春陂，萬事無情把一作釣絲。綠竹放侵行徑裏，一作青山常對卷簾時。紛紛花落門空閉，寂寂鴛啼日更遲。從此別君千萬里，白雲流水憶佳期。

上巳日越中與鮑侍郎泛舟耶溪

蘭橈縵一作萬轉榜汀沙。應接一作隔雲峰到若耶。舊浦滿一作遠來移渡口。垂楊深處有人家。永和春色千年在。曲水鄉心萬里賒。君見漁船時借問。前洲一作桃源幾路入煙花。一作霞

雙峰下哭故人李宥

憐君孤壠一作冢寄雙峰。埋骨窮泉復幾重。白露空霑九原草。青山猶一作獨閉數株松。圖書經亂知何在。妻子因貧一作移家失所從。惆悵東臬卻歸去。人間無處更相逢。

使次安陸寄友人

新年草色遠萋萋。久客將歸失一作問路蹊。暮雨不知湏一作須口處。春風只一作共到穆陵西。孤城盡日空花落。三戶無人自鳥啼。君在江南相憶否。門前五柳幾枝低。

哭陳一作李歙州一作使君

千秋萬古葬一作共平原。素業一作惟有清風及子孫。旅櫬歸程傷道路。舉家行哭向田園。空山寂寂開新壠。一作塚喬木蒼蒼掩舊門。一作寒山搖落空殘壠。故里疎蕪獨掩門。儒行公才竟何在。一作處一作更何用。獨憐棠樹一枝存。一作故將脩短問乾坤。

酬屈突陔

落葉紛紛滿四鄰。蕭條環堵絕風塵。鄉看秋草歸無路。一作何處家對寒江病且貧。藜杖懶迎征騎客。菊花能醉去官人。憐君計畫誰知者。但見蓬蒿空沒身。

送惠法師遊天台因懷智大師故居

翠屏瀑水一作布知何在。鳥道猿啼過幾重。落日獨搖金策去。深山誰向石橋逢。一作上叢生桂。欲

買雲中若箇峰。憶想東林禪誦處。寂寥惟聽舊時鐘。

自夏口至鸚鵡洲夕望岳陽寄源一作元中丞

汀洲無浪復無煙。楚客相思益渺然。漢口夕陽斜渡鳥。洞庭秋水遠連天。孤城背嶺寒吹角。獨戍臨江夜

泊船。賈誼上書憂漢室。長沙謫去一作遷古今憐。

送侯中丞流康州

長江極目帶楓林。匹馬孤雲不可尋。遷播共知臣道枉。猜讒卻爲主恩深。轅門畫角三軍思。驛路青山萬里心。北闕九重誰許屈。獨看湘水淚霑襟。

別一作送嚴士元一作嚴員外一作吳中贈別嚴士元一作送嚴士元一作李嘉祐詩

春風倚棹闔閭城。水國春一作猶寒陰復晴。一作水國天寒暗復晴。細雨溼衣看一作人不見。閑花落地聽無

聲。日斜江上孤帆影。草綠湖南萬里情。一作程東道一作君去。若逢相識問。青袍今日一作已誤儒生。

避地江東留別淮南使院諸公

長安路絕鳥飛通。萬里孤雲西復東。舊業已應成茂草。餘生只是任飄蓬。何辭向一作故物開秦鏡。卻使他



人得楚弓。此去行持一竿竹。等閑將狎釣漁翁。

罪所上御史惟則

誤因微祿滯南昌。幽繫圍扉晝夜長。黃鶴翅垂同燕雀。青松心在任風霜。斗間誰與看冤氣。盆下無由見太陽。賢達不能同感激。更於一作命何處問蒼蒼。

送台州李使君兼寄題國清寺

露冕新承明主恩。山城別是武陵源。花間五馬時行縣。山外千峰常在門。晴江洲渚帶春草。古寺杉松深暮猿。知到應真飛錫處。因君一想已忘言。

獄中聞收東京有赦

傳聞闕下降絲綸。爲報關東滅虜塵。壯志已憐成白首。餘生猶待發青春。風霜何事偏傷物。天地無情亦愛人。持法不須張密網。恩波自解惜枯鱗。

溫湯客舍

冬狩溫泉歲欲闌。宮城佳氣晚宜看。湯熏仗裏千旗暖。雪照山邊萬井寒。君門獻賦誰相達。客舍無錢輒自安。且喜禮闈奏鏡在。一作還。一作將妍醜付。一作春官。

送孫逸歸廬山

得帆字。

鐘峰絕頂楚雲銜。楚客東歸棲此<sup>一作巖</sup>。彭蠡湖邊香橘柚。潯陽郭外暗楓杉。青山不斷三湘道。飛鳥空隨萬里帆。常愛此中多勝事。新詩他日佇開緘。

送馬秀才落第歸江南

南客懷歸鄉夢頻。東門悵別柳條新。慙慙斗酒城陰暮。蕩漾孤舟楚水春。湘竹舊斑思帝子。江蘼初綠怨騷人。憐君此去未得意。陌上愁看淚滿巾。

送常十九歸嵩少故林

迢迢此恨杳無涯。楚澤嵩邱千里賒。歧路別時驚一葉。雲林歸處憶三花。秋天蒼翠寒飛雁。古堞蕭條晚噪鷗。他日山中逢勝事。桃源洞裏幾人家。

送宇文遷明府赴洪州張觀察追攝豐城令時長卿亦在此州

送君不復遠爲心。余亦扁舟湘水陰。路逐山光何處盡。春隨草色向南深。陳蕃待客應懸榻。宓賤之官獨抱琴。儻見主人論謫宦。爾來空有白頭吟。

送李將軍一作送開府好隨故李使君族概卻赴上都

征西諸將一作莫。如君報德誰能不。顧勳身逐塞鴻來。萬里手披荒一作江。草看孤墳。擒生絕漠經一作胡。雪懷舊長沙。哭楚雲歸去。蕭條灞陵上。幾人看葬李將軍。

西陵寄一上人

東山訪道成開一作開成。士南渡隋陽作本師。了義惠心能善誘。吳風越俗罷淫祠。室中時見天人命。物外長懸海嶽期。多謝清言異元度。懸河高論有誰持。

賦得

一作皇甫冉詩題作春思

鶯啼燕語報新年。馬邑龍堆路幾千。家住層城臨漢苑。花隨明月到胡天。機中錦字論長恨。樓上花枝笑獨眠。爲問元戎竇車騎。何時返旆勒燕然。

三月一作日。李明府後亭泛舟一作皇甫冉詩

江南風景復如何。聞道新亭更欲過。處處紐蘭春浦綠。萋萋藉草遠山多。壺觴須就陶彭澤。時俗猶傳晉永和。更待持橈徐轉去。微風落日水增波。

喜朱拾遺承恩拜命赴任上都

詔書徵拜脫荷裳。身去東山閉草堂。闔闔九天通奏一作楚。籍華亭一鶴在朝行。滄洲離別風煙遠。青瑣幽深漏刻長。今日卻迴垂釣處。海鷗相見已高翔。

鄖上送韋司士歸上都舊業司士即鄖公之孫頃客於鄖上

前朝舊業想遺塵。今日他鄉獨爾身。鄖地國除爲過客。杜陵家在有何人。蒼苔白露生三徑。古木寒蟬滿

四鄰西去茫茫問歸路。關河漸近淚盈巾。一作此去茫茫盡秋草。離心萬里逐征輪。

感懷

秋風一作青楓落葉正堪悲。黃菊殘花欲待誰。水近偏逢寒氣早。山深常見日光遲。愁中卜命看周易。夢裏招魂讀楚詞。自笑不如湘浦雁。飛一作春來卽是北歸時。

送楊於陵歸宋汴此一無州別業

半山溪雨帶斜暉。向水殘花映客衣。旅食嗟余當歲晚。能文似汝少年稀。新河柳色千株暗。故國雲帆萬里歸。離亂要知君到處。寄書須及雁南飛。

送崔使君赴壽州

列郡專城分國憂。彤幃皂蓋古諸侯。仲華遇主年猶少。公瑾論功位已酬。草色青青迎建隼。蟬聲處處雜鳴騶。千里相思如可見。淮南木葉正驚秋。

上陽宮望幸

玉輦西巡久未還。春光猶入上陽間。萬木長承新雨露。千門空對舊河山。深花寂寂宮城閉。細草青青御路閑。獨見彩雲飛不盡。只應來去候龍顏。

過裴舍人故居

慘慘天寒獨掩<sup>一作</sup>閉。扇紛紛黃葉滿<sup>一作</sup>落。空庭孤墳何處依山木。百口無家學<sup>一作</sup>汎。水萍。離花猶及重陽發。鄰笛那堪落日聽。書幌無人長不捲。秋來芳草自爲螢。

登松江驛樓北望故園

淚盡江樓北望歸。田園已陷百重圍。平蕪萬里無人去。落日千山空鳥飛。孤舟漾漾寒潮小。極浦蒼蒼遠樹微。白鷗漁父徒相待。未掃機槍懶息機。

秋夜有懷高三十五適兼呈空上人<sup>一作皇甫冉詩</sup>

晚節逢君趣道深。結茅栽樹近東林。吾師幾度曾摩頂。高士何年遂發心。北渚三更聞過雁。西城萬里動寒砧。不見支公與元度。相思擁膝坐長吟。

送孔巢父赴河南軍<sup>一作皇甫冉詩</sup>

江南相送隔煙波。況復新秋一雁過。聞道全軍征北虜。又言諸將會南河。邊心冉冉鄉人絕。寒色青青戰馬多。共許陳琳工奏記。知君名行未蹉跎。

登潤州萬歲樓<sup>一作皇甫冉詩</sup>

高樓獨上思依依。極浦遙山合翠微。江客不堪頻北望。塞鴻何事又南飛。垂山古渡寒煙積。瓜步空洲遠樹稀。聞道王師猶轉戰。更能談笑解重圍。

江樓送太康郭主簿赴嶺南

對酒憐君安可論。當官愛士如平原。料錢用盡卻爲謗。食客空多誰報恩。萬里孤舟向南越。蒼梧雲中暮帆滅。樹色應無江北秋。天涯尙見淮陽月。驛路南隨桂水流。猿聲不絕到炎州。青山落日那堪望。誰見思君江上樓。

客舍喜鄭三見寄一作訪

客舍逢君未換衣。閉門愁見桃花飛。遙想故園今已爾。家人應念行人歸。寂寞垂楊映深曲。長安日暮靈臺宿。窮巷無人鳥雀閑。空庭新雨莓苔綠。北中分與故交疎。何幸仍迴長者車。十年未稱平生意。好得辛勤謾讀書。

送賈三北遊

賈生未達猶窘迫。身馳匹馬邯鄲陌。片雲郊外遙送人。斗酒城邊暮留客。願予他日仰時髦。不堪此別相思勞。雨色新添漳水綠。夕陽遠照蘇門高。把袂相看衣共緇。窮愁只是惜良時。亦知到處逢下榻。莫滯秋風西上期。

齊一和尚影堂

一公住世忘世紛。暫來復去誰能分。身寄虛空如過客。心將生滅是浮雲。蕭散浮雲往不還。淒涼遺教殘。

仍傳。舊地愁看雙樹在。空堂只是一作見一燈懸。一燈長照恆河沙。雙樹猶落諸天花。天花寂寂香深殿。苔  
蘚蒼蒼闕虛院。昔余精念訪禪扉。常接微言清一作觀道機。今來寂寞無所得。唯共門人淚滿衣。

# 劉隨州詩集卷十

潁川留別司倉李萬

故人早負干將器。誰言未展平生意。想君疇昔高步時。肯料如今折腰事。且知投刃皆若虛。日揮案牘常有餘。槐暗公庭趨小吏。荷香陂水膾鱸魚。客裏相逢款話深。如何歧路賸霑襟。白雲西上催歸念。潁水東流是別心。落日征驂隨去塵。含情揮手背城闌。已恨良時空此別。不堪秋草更愁人。

聽笛歌

留別鄭協律

舊遊憐我長沙謫。載酒沙頭送遷客。天涯望月自霑衣。江上何人復吹笛。橫笛能令孤客愁。淥波淡淡如不流。商聲寥亮羽聲苦。江天寂歷江楓秋。靜聽關山聞一叫。三湘月色悲猿嘯。又吹楊柳激繁音。千里春色傷人心。隨風飄向何處落。唯見曲盡平湖深。明發與君離別後。馬上一聲堪白首。

時平後送范倫歸安州

昨聞戰罷圖麟閣。破虜收兵卷戎幕。滄海初看漢月明。紫微已見胡星落。憶昔扁舟此南渡。荊棘煙塵滿歸路。與君攜手姑蘇臺。望鄉一日登幾迴。白雲飛鳥去寂寞。吳山楚岫空崔嵬。事往時平還舊邱。青青春草近家愁。洛陽舉目今誰在。潁水無情應自流。吳苑西人去欲稀。留連一日空知非。江潭歲盡愁不盡。鴻



雁春歸身未歸。萬里遙懸帝鄉憶。五年空帶風塵色。卻到長安逢故人。不道姓名應不識。

小鳥篇上裴尹

藩籬小鳥何甚微。翩翩日夕空此飛。只緣六翮不自致。長似孤雲無所依。西城黯黯斜暉落。衆鳥紛紛皆有託。獨立雖輕燕雀羣。孤飛還懼鷹鷂搏。自憐天上青雲路。弔影徘徊獨愁暮。銜花縱有報恩時。擇木誰容託身處。歲月蹉跎飛不進。羽毛顛頓何人問。遶樹空隨烏鷓鴣。巢林只有鷓鴣分。主人庭中蔭喬木。愛此清陰欲棲宿。少年挾彈遙相猜。遂使驚飛往復迴。不辭奮翼向君去。唯怕金丸隨後來。

登吳古城歌

登古城兮思古人。感賢達兮同埃塵。望平原兮寄遠目。歎姑蘇兮聚麋鹿。黃池高會事未終。滄海橫流人蕩覆。伍員殺身誰不冤。竟看嘉樹如所言。越王嘗膽安可敵。遠取石田何所益。一朝空謝會稽人。萬古猶傷甬東客。黍離離兮城坡坳。牛羊踐兮牧豎歌。野無人兮秋草綠。園爲墟兮古木多。白楊蕭蕭悲故柯。黃雀啾啾爭晚禾。荒阡斷兮誰重過。孤舟逝兮愁若何。天寒日暮江楓落。葉去辭風水自波。

疲兵篇

驕虜乘秋下薊門。陰山日夕煙塵昏。三軍疲馬力已盡。百戰殘兵一作驍功未論。陣雲泱泱屯塞北。羽書紛紛來不息。孤城望處增斷腸。折劍看時可霑臆。元戎日夕且歌舞。不念關山久辛苦。自矜倚劍氣凌雲。卻

笑聞笳淚如雨。萬里飄飄空此身。十年征戰老胡塵。赤心報國無片賞。白首還家有幾人。朔風蕭蕭動枯草。旌旗獵獵榆關道。漢月何曾照客心。胡笳只解催人老。軍前仍欲破重圍。閨裏猶應愁未歸。小婦十年啼夜織。行人九月憶寒衣。飲馬滹河晚更清。行吹羌笛遠歸營。只恨漢家多苦戰。徒遺金鏃滿長城。

新安送陸澧歸江陰

新安路。人來去。早潮復晚潮。明日知何處。潮水無情亦解歸。自憐長在新安住。

弄白鷗歌

泛泛江上鷗。毛衣皓如雪。朝飛瀟湘水。夜宿洞庭月。一本有洞庭二字歸客正夷猶。愛此滄江閑白鷗。

長沙贈衡岳祝融峰般若禪師

般若公。般若公。負鉢何時下祝融。歸路卻看飛鳥外。禪房空掩白雲中。桂花寥寥閑自落。流水無心西復東。

贈湘南漁父

問君何所適。暮暮逢煙水。獨與不繫舟。往來楚雲裏。釣魚非一歲。終日只如此。日落江清桂檝遲。纖鱗百尺深可窺。沈鉤垂餌不在得。白首滄浪空自知。

明月灣尋賀九不遇

楚水日夜綠。傍江春草滋。一作深。青青遙滿目。萬里傷心歸。一作歸心。故人川上復何之。明月灣南空所思。故人不在明月在。誰見孤舟來去時。

題曲阿三昧王佛殿前孤石

孤石自何處。對之疑一作如。舊遊。氛氳峴首夕。蒼翠剡中秋。迴出羣一作奇。峰當殿前。雪山靈鷲慚貞堅。一片孤雲長不去。莓苔古色空蒼然。

送友人東歸

對酒灞亭暮。相看愁自深。何邊草已綠。此別難爲心。關路迢迢匹馬歸。垂楊寂寂數鶯飛。憐君獻策十餘載。今日猶爲一布衣。

入桂渚次砂牛石穴一本無石字。

扁舟傍歸路。日暮瀟湘深。湘水清見底。楚雲淡無心。片帆落一作運。桂渚。獨夜依楓林。楓林月出猿聲苦。桂渚天寒桂花吐。此中無處不堪愁。江客相看淚如雨。

嚴陵釣臺送李康成赴江東使

潺湲子陵瀨。髣髴如在目。七里人已非。千年水空綠。新安江上孤帆遠。應逐楓林萬餘轉。古臺落日共蕭條。寒水無波更清淺。臺上漁竿不復持。卻令猿鳥向人悲。灘聲山翠至今在。遲爾行舟晚泊時。

送姨子弟往南郊

一展慰久闊。寸心仍未伸。別時兩童稚。及此俱成人。那堪適會面。遽已悲分首。客路向楚雲。河橋對衰柳。送君匹馬別河橋。汝南山郭寒蕭條。今我單車復西上。郎去灞陵轉惆悵。何處共傷離別心。明月亭亭兩鄉望。

銅雀臺

嬌愛更何日。高臺空數層。含啼映雙袖。不忍看西陵。漳河東流無復來。百花釐路爲蒼苔。清樓月夜長寂寞。碧雲日暮空徘徊。君不見鄴中萬事非昔時。古人一作何在。今人悲。春風不逐君王去。草色年年舊宮路。宮中歌舞已浮雲。空指行人往來處。

王昭君歌

自矜嬌豔色。不顧丹青人。那知粉繪能相負。卻使容華翻誤身。上馬辭君嫁驕虜。玉顏對人啼不語。北風雁急浮雲一作清。秋萬里獨見黃河流。纖腰不復漢宮寵。雙蛾長向胡天愁。琵琶弦中苦調多。蕭蕭羌笛聲相和。誰憐一曲傳樂府。能使千秋傷綺羅。

送杜越江佐覲省往新安江

去帆楚天外。望遠愁復積。想見新安江。扁舟一行客。清流數千丈。底下看白石。色混元氣深。波連洞庭碧。

鳴根去未已。前路行可觀。猿鳥悲啾啾。杉松雨聲夕。送君東赴歸寧期。新安江水遠相隨。見說江中孤嶼在此行。應賦謝公詩。

湘中憶歸

終日空理棹。經年猶別家。頃來行已遠。彌覺天無涯。白雲意自深。滄海夢難隔。迢遞萬里帆。飄飄一行客。獨憐西江外。遠寄風波裏。平湖流楚天。孤雁渡湘水。湘流澹澹空愁予。猿啼啾啾滿南楚。扁舟泊處聞此聲。江客相看淚如雨。

送郭六侍從之武陵郡

常愛武陵郡。羨君將遠尋。空憐世界迫。孤負桃源心。洛陽遙想桃源隔。野水閑流春自碧。花下常迷楚客船。洞中時見秦人宅。落日相看斗酒前。送君南望但依然。河梁馬首隨春草。江路猿聲愁暮天。丈人別乘佐分憂。才子趨庭兼勝遊。澧浦荆門行可見。知君詩興滿滄洲。

山鸚鵡歌一作章應物詩

山鸚鵡。長在此山吟。古木啞嘶相呼響。空谷哀鳴萬變如成曲。江南逐臣悲放逐。倚樹聽之心斷續。巴人峽裏自聞猿。燕客水頭空擊筑。山鸚鵡。一生不及雙黃鵠。朝去秋田啄殘粟。暮入寒林嘯羣族。鳴相逐。啄殘粟。食不足。青雲杳杳無力飛。白露蒼蒼抱枝宿。不知何事守空山。萬壑千峰自愁獨。

望龍山懷道士許法稜

心惆悵。望龍山。雲之際。鳥獨還。懸崖絕壁幾千丈。綠蘿嫋嫋不可攀。龍山高。誰能踐。靈原中。蒼翠晚。嵐煙瀑水如向人。終日迢迢空在眼。中有一人披霓裳。誦經山頂飡瓊漿。空林閑坐獨焚香。真官列侍儼成行。朝入青霄禮玉堂。夜埽白雲眠石牀。桃花洞裏居人滿。桂樹山中住日長。龍山高高遙相望。

戲贈千越尼子歌

鄱陽女子年十五。家本秦人今在楚。厭向春江空浣沙。龍宮落髮披袈裟。五年持戒長一食。至今猶自顏如花。亭亭獨立青蓮下。忍草禪枝繞精舍。自用黃金買地居。能嫌碧玉隨人嫁。北客相逢疑姓秦。鉛花拋卻仍青春。一花一竹如有意。不語不笑能留人。黃鸝欲棲白日暮。天香未散經行處。卻對香鑪閑誦經。春泉漱玉寒泠泠。雲房寂寂夜鐘後。吳音清切令人聽。人聽吳音歌一曲。杳然如在諸天宿。誰堪世事更相牽。惆悵迴船江水淥。

遊四窗補遺

四明山絕奇。自古說登陸。蒼崖倚天立。覆石如覆屋。玲瓏開戶牖。落落明四目。箕星分南野。有斗挂簷北。日月居東西。朝昏互出沒。我來游其間。寄傲巾半幅。白雲本無心。悠然伴幽獨。對此脫塵鞅。頓忘榮與辱。長笑天地寬。仙風吹佩玉。

和中丞出使恩命過終南別業

不過林園久。多因寵遇偏。故山長寂寂。春草過年年。花待朝衣間。雲迎驛騎連。松蘿深舊閣。樵木散閑田。拜闕貪搖珮。看琴懶更一作著。弦。君恩催早入。已夢傅巖邊。

岳陽樓

行盡清溪日已蹉。雲容山影兩嵯峨。樓前歸客怨秋夢。湖上美人疑夜歌。獨坐高高風勢急。平湖渺渺月明多。終期一艇載樵去。來往片帆愁白波。

春望寄王涪陽

清明別後雨晴時。極浦空顰一望眉。湖畔春水煙點點。雲中遠樹墨離離。依微水戍聞鉦鼓。掩映沙村見酒旗。風煖草長愁自醉。行吟無處寄相思。

代邊將有懷

少年辭魏闕。白首向沙場。瘦馬戀秋草。征人思故鄉。暮笳吹塞月。曉甲帶胡霜。自到雲中郡。于今百戰強。

喜晴

曉日西風轉。秋天萬里明。湖天一種色。林鳥百般聲。霧景浮雲滿。遊絲暎水輕。今朝江上客。凡慰幾人情。

晚春歸山居題窗前竹

一作錢起詩。題云暮春歸故山草堂。

溪上一作谷口。殘春黃鳥稀。辛夷花盡杏花飛。始憐幽竹山窗下。不改清陰待我歸。





劉隨州文集卷十一

冰賦

水無心而清。冰虛已而明。始則同體。終然異名。水之動我變而靜。一作以靜。水之柔我變以貞。任方圓而能處其順。雖一作在。高下而不失其平。北陸初凝。結而爲冰。東風始起。融而爲水。與時合散。一作消息。隨物行止。水也莫不。一作不。知其所然。冰也莫知所以。何推運而有恆。乃忘情而合理。觀其一作乎。外示貞堅。內含虛澈。無受染能。一作以。保其素。不一作無。納汚能。一作以。全其潔。比玉而白。不爲蠅點。一作玷。比月而明。不爲蟾闕。一作缺。瓊樹色奪。瑤池光發。寒日爲之青。陰天爲之肅。殺一作變。寒日之清。爰自止水。徧於大山。一作山。川萬穴俱閉。長波寂然。皎皎彌淨。一作靜。峨峨遠連。如雪覆地。如一作若。雪披天。雲之凝兮。佇長風而可掃。雪之積兮。向太陽而莫全。豈同夫氣之所感。物莫能遷。勁飈夕寒。我力增壯。愛一作晴。景朝暖。我心猶堅。其堅伊何。履霜斯至。其薄伊何。臨泉是畏。君子用之以馴。致其道。睹之而不驕於貴者也。一本無者。二之日始鑿。命虞官。三之日始納。享司寒。四之日。一本無四。三日三字。天子陳禮容。賦豳風。大啓冰室。獻於王宮。氣肅雲陞。寒生袞龍。闢九門於月下。列千官於鏡中。頒衆位。取飲以受命。御至尊。得象其一作於。朝宗。若君莫之求。臣莫之見。則深山窮谷。詎可得而嘉。一作加。薦苟藏不以周。用不以徧。一作藏之。不徧。則災霜害雹。如有待而爲變。人或好清。人或

好淨。一作人或愛我清人或愛我淨既潔其跡亦虛。一作堅其性水之冰生於寒人之冰出生於正。一作無棄其道吾將何病。

首夏干越亭奉餞韋卿使君一本有公字赴婺州序

今年春王正月皇帝居紫宸正殿擇東南諸侯以我公爲少光祿自姑蘇行春於東陽愛人也頃公之在吳值機槍構戾南犯牛斗。一作斗牛波動滄海塵飛金陵公夷險一心忠勇增氣四面皆敵姑蘇獨守。一作靜臥甲霜天洗兵寒水竟使浙南一作西士庶不見煙塵公之力也朝廷聞而多之以爲姑蘇之人已理東陽之俗。一作俗人未化是拜也宜哉卿月既明仁風載清出入數藩從容九棘在虞秦而皆智豈滕薛而異名頌聲洋洋實此行矣干越便道金華前山梅花過時槐色猶在白雲芳草盡入詩興公實秉文律一作將爲詞雄透迤退公知八詠之有繼作矣。

仲秋奉餞蕭郎中使君赴潤州序

皇帝臨軒旰食憂濟在人擇良二千石與之共理民有疾苦得以安之吏有侵漁得以去之爲風化之本繫黎元之命不其難哉故內外缺一作闕官自卿大夫以下多責成元輔惟剖竹分寄一作符決在禁中又以政貴有成化難數易至於理行超異公論當徵但增秩賜一作錫金或移典大郡而已由是我蕭公建隼茲地化行一作成五年漢庭羣公方待以右職而競一作竟有南徐之命蓋天子憂遠人而緩徵拜也公才可以

濟物德可以化人。五行之用備。四時之氣足。不立法而去弊。不示禁而止奸。寒者有衣。飢者有食。百城萬井。若衆一作百。草之得陽春。亦不知其所以然也。一作不知其所。詔書既至。公乃向闕北拜。腰章遂行。南徐之人。望公如歸。此邦之人。去公如失。千騎照路。出於東郊。男女滿野。壺漿輻湊。泣涕以送。邀遮以留。或攀我車。或維我舟。臨風鳴笳。慷慨高秋。君子是謂有古人之遺愛矣。凡工文者得一作能。無詩乎。

### 張僧繇畫僧記

天竺僧畫像者。梁直閣將軍張僧繇之真跡也。張公繪事之始。厥有二僧。後屬侯景師至金陵。江南喪亂。此畫流離散落。多歷年所。遂遭剖割。分而爲二。其一在唐故右常侍陸堅處。卽此僧也。陸公嘗嬰篤疾。殆將屬纊。忽於夢寐覩此胡僧。謂公曰。我有同侶一人。自從離析已百餘載。一作年。今在洛陽故城東李君家。深所寶玩。舉世莫知。若能爲我求之。再得會合。當以法力扶助。令爾一作令無憂。陸公旣寤。爰一作遂以求訪。果如夢中之旨。獲見斯人。而僧亦具在。乃以俸錢十萬購而合焉。卽日陸公疾瘳。勿藥有喜。信知造思之妙。通於神祇。識者以爲干將鑊鄒。散而復合。亦其類也。嗟乎。陸公已沒。子孫不守。有故姬鬻之於市。爲校書郎宋儋所得。一本有開元中三字。儋服藥過度。因而喪明。其李氏之僧復失所在。唯入夢者。巋然獨存。儋卒。傳故人劉傑。傑隱居少室。不求聞達。天寶末。遭祿山之難。避地淮陰。與道士魏審交。深相結納。無何傑以老卒傳於審交。審交傳楚州刺史李湯。湯傳睦州司馬劉長卿。今爲劉氏之寶藏矣。一作之

祭蕭相公文華

維某年月日。殿中侍御史劉長卿。謹以清酌庶羞之奠。敬祭於故江州刺史相國一作公蕭公之靈。天降全德。俾居元輔。獨立堂堂。高視前古。和氣同積。英姿外舉。草木陽春。山川時雨。累葉當國。同心事主。業繼章平。世生申甫。龍潛少海。公佐儲闈。朝有奸臣。動履危機。十年調護。不處嫌疑。非以智免。則將禍隨。國移大盜。公陷虜圍。忍受拘逼。誓酬恩私。苟無所成。雖死何爲。果翻賊黨。來赴王師。懿夫川實朝宗。雲亦成龍。天地再開。君臣相逢。獨持一心。翊戴兩宮。明略戡難。丹誠徇公。輔國佞幸。敢亂朝經。潛申讜言。請奪禁兵。謀泄隙一作諒。開反爲所傾。倉卒之際。播遷無名。東出招邱。南浮洞庭。寄身滄江。泛若流萍。水國生疾。炎洲促齡。瓊樹先落。金丹未成。長卿自奉周旋。於今五年。才微願重。跡近位懸。卽之溫如。望之儼然。獎飭何厚。招尋亦偏。春山採擷。秋水涸涔。候月舒嘯。臨風扣舷。懷舊如昨。承歡眼前。素業遂空。清風獨遠。哀哀孝子。行哭而反。託體山阿。古來誰免。湘流垂釣。楚挽空吟。明主一作思絕。蒼生愛深。江南春草。自古傷心。想像平生。一作生猶聞德音。嗚呼哀哉。去旌搖搖。送馬蕭蕭。長江遠山。暮暮朝朝。山有歸雲。江有回潮。公之逝矣。一去一作言。寂寥。挂劍於此。魂兮可招。尙饗。

祭崔相公文

維年月日某乙。謹以清酌之奠。敬祭於故道州刺史相國崔公之靈。唯岳降靈。惟公佐時。大國梁棟。中朝

羽儀清迥。玉立峨峨。冰姿秋水。見底寒松。無枝天步。艱難海內。崩離六合。恂然一言。安之帝憂。南方公實載馳。江漢之人。惟公是依。持衡署吏。按節臨師。三軍感恩。多士如歸。何名高而難恃。翻寄重而先疑。旋剖竹於滄海。罷調梅於赤墀。公頃歸朝。時逢出震。體道而處。忘機於進。澹然一心。獨立千仞。望重元老。恩深顧問。言必至公。行惟周慎。守孤直以見疾。觸姦邪而結讐。公之爲善。匪近於名。公之在貴。匪貪其榮。人皆畏黜。公猶不驚。飛鳥無迹。白雲何情。拜手魏闕。退身楚城。北渚在途。南風掩扇。願婆娑之樹老。歌滄浪之水清。雖優閒而適性。終卑溼而傷生。嗟乎。若以神之輔德。將未喪其正直。若以天之愛人。人復佐於陶鈞。棄蒼生而不起。留清風以益振。長卿昔忝初秩。公之一顧。謬廁當時之選。敢忘國士之遇。旅櫬還鄉。危旌啓路。弔湘水而自波。望長沙而空暮。嗚呼。萬古兮歸舟。千里兮東流。過洞庭而搖落。出夏口而夷猶。月蒼蒼兮江淼淼。人不見兮猿獨愁。徒髣髴兮如在。竟寂寥而若休。尙饗。

祭閻使君文

維年月日某乙。謹以清酌之奠。祭於故睦州刺史閻公之靈。猗歟我公。誕靈中和。盛德茂才。如山如河。玉立清迥。冰姿峨峨。獨鶴不羣。孤松無柯。班氏九流。孔門四科。總而懷之。巨海長波。遭時艱難。避地江淹。浙水之源。剖竹來過。百城風偃。萬室星羅。感恩具存。賞罰無頗。帷褰訟止。襁負肩摩。俗謠蔽蒂。庭顧婆娑。沈侯高詠。謝客疲痾。人之云亡。天意若何。故鄉道阻。旅殯山阿。哀哀孝子。霜露滋多。常懼流年。邱壠陂陀。乃

告元龜。是宅其一作是他。嗚呼我公。所悲則那。今去也。哭昔來也。歌引發東郊。攀恩幡幡。銘旌夕沒。漭滄寒莎。緬懷生平。持奉仁和。感恩臨奠。悲如之何。尙饗。

又

維某年月日某乙。謹以清酌之奠。祭於故陸州刺史閻公之靈。天縱厚德。曜於當代。天與盛才。宏夫濟世。經綸萬類。磅礴六藝。禮樂詩書。自中形外。玉山迴出。瓊樹無對。秦鏡洞開。吳鉤新淬。青春立節。白首彌勵。五府交爭。辟書相繼。九州分按。無遠不屆。所居則理。其去懷惠。焦心苦形。興利除害。運屬橫流。道猶未濟。一麾出守。萬里長逝。故林之下。永閉龍泉。埋沒於此。經今幾年。藹藹豐里。油油原田。田則有稼。公之闢焉。里則有桑。公之植焉。我衣我食。公實賜焉。人亡物在。事往名傳。滄海則變。清風不愆。長卿昔尉長洲。公爲半刺。一命之末。三年伏事。愛我以文。獎我以吏。禮變常儀。恩生非次。懷舊如在。感今斯異。身辱良知。情依令嗣。中原多梗。旅櫬猶寄。挂劍傷心。看碑墮淚。東風映律。草綠川媚。陽和發生。物性咸遂。冥冥逝者。獨翳茲地。空對一枝。音容髣髴。尙饗。

祭董兵馬使文

維年月日某乙。謹以清酌之奠。祭於故鎮守兵馬使董公之靈。溫溫董公。純厚謙恭。忠孝因心。禮樂在躬。薄伐襄漢。言從征東。遠將偏師。獨當羣兇。朱旗薄霄。白羽生風。彼衆我寡。兵盡矢窮。手張空拳。一作力彈

一作氣雄。孟明失律。李廣無功。有志不遂。飲恨而終。落梅笛怨。細柳營空。猶嘶戰馬。永挂良弓。銘旌悠悠。此去何從。寶劍埋沒。黃泉幾重。尙饜。

### 祭故吏行官文

維年月日某乙。一有謹字以清酌之奠。致祭於故吏行官某乙之靈。生也有涯。天之常理。悲夫逝者。不得其死。瞻彼行潦兮。一勺之水。嗟爾浮生兮。千齡已矣。憶昨金陵喪亂。宣城危逼。王師有征。將破殘賊。我事戎旃。爾爲羽翼。實執鞭弭。豈辭筋力。熊羆失利。豺狼反顧。衣冠四散。余之南渡。白刃向人。黃塵欲暮。平生門闌。皆已行路。唯爾臨危。秉心益固。一身相依。千里徒步。嗚呼。故鄉何在。旅櫬何歸。蔓草春綠。孤魂夜飛。心存簪履。淚滿裳衣。空餘旨酒。以慰泉扉。

### 唐睦州司倉參軍盧公夫人鄭氏墓誌銘

有唐大歷十三年九月二十一日。睦州司倉參軍范陽盧公。夫人鄭氏。終於所寓之官舍。享年四十八。以其月二十九日。盧公受命於元龜。權厝於律。一作津德縣佩犢鄉之東原。禮也。夫人滎陽人也。曾王父松。皇朝魏州莘縣令。王父行恩。晉州臨汾縣令。父叔。衛州新鄉縣丞。鄭氏之先家牒詳矣。元魏以衣冠人物。首出諸族之右者五姓。我居其一。世濟厥美。史不絕書。夫人卽新鄉府君第五女。天姿淑德。早有令聞。中外推之。難於擇對。年十九。以束帛墨車之禮。遂歸於公。在滎陽家。號女師。入涿州。一本有涿州字縣人稱婦道。恭儉以



事上柔順以逮下服辭濯躬勤勞山東士風於是乎在嗚呼偕老斯闕從秩猶卑不及中年梧桐半死安仁悼亡之歎人皆代而痛之一子一孫訴於彼蒼泣血而已銘曰  
新鄉積善遂生淑媛詞邁克修乃光好仇母儀婦德萬古千秋新安江水已矣東流

湘妃詩序補遺

山海經曰洞庭之山帝之二女居之郭璞云天帝之女處江爲神卽列仙傳所謂江妃二女也劉向列女傳曰帝堯之二女長曰娥皇次曰女英堯以妻舜於媯汭舜旣爲天子娥皇爲后女英爲妃舜死於蒼梧二妃死於江湖之間俗謂之湘君湘中記曰舜之二妃死爲湘水神故曰湘妃韓愈黃陵廟碑曰秦博士對始皇帝云湘君者堯之二女舜妃者也劉向鄭元亦皆以二妃爲湘君而離騷九歌旣有湘君又有湘夫人王逸以爲湘君者自其水神而謂湘夫人乃二妃璞與逸俱失也堯之長女娥皇爲舜正妃故曰君其二女女英自宜降曰夫人也故九歌謂娥皇爲君女英爲帝子各以其盛者推言之也禮有小君明其正自得稱君也按琴操有湘妃怨又有湘夫人曲